

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भीगु कला व संस्कृति

बिज्या

नेपाल संवत् १९३९ कौलाश्वः/२०७६ कार्तिक १/2019 Oct/ ल्याः२३, दौः१



स्वीगुकगु नेपाल भाषा साहित्य तःमंज्या
व सांस्कृतिक बज्याया उलेज्या
१९३८



प्रमुख प्रजापति ख्वपया रानी पुखु अनुगमने

२०७६ असोज १४ गते



पाक्षिक सुचुकुचु ज्याइवः

२०७६ असोज १५ गते



; DkfbSlo

@)&^ sllt\$!, c^a\$ @#, j if!

चिनियाँ राष्ट्रपति सी चिन फिङया भ्रमणं सकारात्मक सन्देश

चिनियाँ राष्ट्रपति सी चिन फिङजुं २०१६ असोज २५ व २६ गते नेपःदेशे नेन्हुया भ्रमण याड दल । हलमय शक्तिशाली मध्ये छम्हा सीजुया भ्रमणयाता नेपाल सरकारं तस्कं च्व छायो भव्य लसकुस यात । नेपाले तःदा लिपा जूगु सीया भ्रमणं नेपः चीन दश्वीया स्वापु अझ क्वातुङ्गु व्यवस्थित जुङ्गुलि जनताया विश्वासे ध्वासा जूगुदः ।

संकटया इलय् ग्वाहाली याड वम्हा भिम्हा जलाखाला चीन देशता नेपाली जनतां बांलाम्हा जलाखाला काथं थः डाल वयो च्वंगु दः । नेपःया प्रधानमन्त्री खड्ग प्रसाद ओलि व राष्ट्रपति सीया उपस्थितिखय् जूगु २० बुँदे समझदारीं नेगू देया मित्रता भन क्वातुयो वानिगु विश्वास अप्वयो वःगु दः । नेपः 'भूपरिवेस्थित देयाता भूजडित दे' दय्केगु, नेपःव चीनयाता रेलमार्ग स्वाय्गु सम्भाव्यता अध्ययन याय्गु सीजुया प्रतिवद्धतां नेपःया विकास न्हापा स्वयो मथां जुङ्गु आशा याय्गु थाय् खाने दः ।

अःया नेपःया सरकार दुई तिहाइया सरकार जूगुलिं राजनीतिक स्थायित्वं याड नं चीनं ग्वाहाली याय्ता अःपुगु परिस्थिति खाने दः । नेपःव चीनया दश्वी सीमा व्यवस्थापन, शुसासन अभिवृद्धि, अपराधिक गतिविधि नियन्त्रणे कानुनी ग्वाहाली, सगरमाथा क्षेत्रया संरक्षण, महान्यायाधिवक्ताया कार्यालय दश्वी अनुभव आदान-प्रदान, न्यायया लागि अनुसन्धान व ज्ञानया हस्तान्तरण थजगु विषयले नेगू देया दश्वी सम्भौता जूगु खः ।

अथेहे सुशासनया लागि क्षमतावृद्धि व सशक्तिकरण याय्गु विषयसं ग्वाहाली याय्गु व प्राकृतिक विपत्ति जुङ्गुबले ग्वाहाली याय्गु विषयसं नेपःया गृहमन्त्रालय व चीन देया आपतकालीन मन्त्रालयया दश्वी जूगु विपद जोखिम न्यूनीकरण व आपतकालीन उद्धारं ग्वाहाली याय्गु सम्भौतां नेगू देया स्वापु नपां विकासया लागि महत्वपूर्ण आधार जुय्फः ।

तमोर व माडी जलविद्युत योजना नेदाया दुने अध्ययन याड चिनियाँ कम्पनिं निर्माणया ज्या न्ह्याकिगु, स्वदाया दुने ५६ अर्ब ग्वाहाली याय्गु बचं (प्रतिवद्धता) व सम्भौताय् न्हिथाड तःगु योजना ऋण सहयोग मखुसें अनुदानकाथं जुङ्गु अर्थमन्त्री युवराज खतिवडाजुया धापुं स्वयबले चीनं चकांगु मनं हे ग्वाहाली यागु बांलाक हे सिय् दः ।

नेपःया सरकार सञ्चालन याड च्वम्हा नेकपाया सरकारं चिनियाँ सरकारया ग्वाहालीयाता गथे बांलाक छ्यलिगु खः वयां स्वय् हे बाकी दः नि । राष्ट्रपति सी जुया सम्मानस नेपःया राष्ट्रपति विद्यादेवी भण्डारीजुं ग्वसःग्वगु रात्री भोज (बःन्हीया भव्य) सं सी जुं 'योजना दय्के धुंक उकिता जिमिसं न्ह्यागु हालय् नं पूवांक हे त्वते । चीनय् नं जिमिसं अथेहे याड वयागु खः' जक धायोद्यूगु खः । धात्थे भूगु देया नेतातय्गु व्यवहार थुयो हे वयकं थथे धायो द्यूगु खै । सीजुया उगु धापु भूगुया सरकार सञ्चालनयाड वपिन्ता ध्याचु थमजु, थ्व हे भूगु तहांगु आशा खः ।

पिकाक- ख्वप नगरपालिका / सम्पादक-आशाकुमार चिकंब्ज्जार, थाकू- भक्तपुर अफसेट प्रिन्टर्स
फोन ल्याः ०१-६६९३०४३, इ-मेल- bhaktapurmuni@gmail.com

सी चिन फिड भ्रमणे नेपः व चीनया उच्च प्रतिनिधिमण्डलया दश्वी जूगु २० बुँदे समभ्दारी पत्रखय् च्वयोतःगु बुँदातः

नीगु समभ्दारी व समभ्दारी

१. नेपःव चीनया दश्वी सीमा व्यवस्थापन प्रणालीया समभ्दारी ।
२. शासकीय क्षमता अभिवृद्धि व कालबिलखय् समभ्दारी ।
३. आपराधिक गतिविधि नियन्त्रण सम्बन्धी कानुनी ग्वाहाली सहायताया सन्धी ।
४. सगरमाथा लागाया पर्यावरणीय संरक्षण सम्बन्धी समभ्दारी ।
५. नेपःव चीन दश्वी राष्ट्रिय योजना आयोग व चीनया राष्ट्रिय विकास व सुधार आयोग दश्वी लगानी व सहयोग अभिवृद्धिखय् समभ्दारी ।
६. चीनया छन्तुइ नेपाली महावाणिज्य दूतावास निस्वानेगुलि पौ कालबिल ।
७. चीन व नेपाल सीमापार रेलपरियोजनाया सम्भाव्यता अध्ययन वा विषयसं समभ्दारी ।
८. येँ व चीनया नान्चिङ या दश्वी तताकेहँया स्वापुया समभ्दारी ।
९. बुटवल व सियान नगर दश्वी तताकेहँया स्वापु निस्वानेगु समभ्दारी ।
१०. स्वास्थ्य मन्त्रालय व चीनया परम्परागत वास व्यवस्थापन प्रशासन दश्वी परम्परागत उपचार पद्धतिया ग्वाहालीबारे समभ्दारी ।
११. गृहमन्त्रालय व चीनया आपतकालीन व्यवस्थापन मन्त्रालय दश्वी दैवीप्रकोप म्हवःयाय्गु नपां फछिंफक्व मथां उद्धार याय्गुलि समभ्दारी ।
१२. नेगू देया महान्यायाधिवक्ताया कार्यालय दश्वी ग्वाहालीया समभ्दारी ।
१३. त्रिभूवन विश्वविद्यालय दुने कन्फ्यूसियस ब्वनेकुथि निस्वानेगु ।
१४. कृषि विभाग व चीनया भन्सार प्रशासन दश्वी पंगु जातया सिसाफल चीने निर्यात याय्गु या लागिं फाइटोस्थनिटरीय आवश्यकता सम्बन्धी प्रोटोकल ।
१५. नेगू देया (ब्यापार) बनेज्या सम्बन्धी मंकःज्यासानिगु पुचः दय्केगु समभ्दारी ।
१६. चिनीयाँ ग्वाहाली खय् भुकम्प अनुगमन सञ्जाल परियोजना आपूर्ति व स्वीकारया दसिपौ ।
१७. अर्थ मन्त्रालय व चिनियाँ वाणिज्य मन्त्रालय दश्वी लगानी कार्यदल दय्केगुलि समभ्दारी ।
१८. अर्थ मन्त्रालय व चिनियाँ अन्तर्राष्ट्रिय विकास सहयोग नियोग दश्वी सुरुङ्ग दय्केगु ग्वाहालीया समभ्दारी ।
१९. सीमा सुरक्षा उपकरणया लागिं पौ कालबिल ।
२०. स्वनिगःले त्वनेगु नाःया आपूर्ति सुधार परियोजनाया सम्भाव्यता अध्ययन ।

२०७६ असोज २७ सोमवार

खँल्हाबँल्हा

‘साहित्यया विकास मजुगु देशे ह्यूपानं मवः’

ख्वप पौया नितिं नेपाल मजदुर किसान पार्टीया नायो, वरिष्ठ राजनीतिज्ञ नपां नांजःम्हा साहित्यकार नारायणमान बिजुक्छें (रोहित) जु नपां या खँल्हाबँल्हा ।

न्हयसः नकतिनी नेपाल भाषा साहित्य तःमुज्या वचचाल । तः मुज्या जनताया राजनीतिक चेतनास्तर थाकायता छु यायमालि थें च्वं ?

लिसः न्हूगु पुस्ताया ल्यासे-ल्याम्होपुं ब्वनामिपिन्ता थःगु मां भाषं च्वयगु-ब्वनेगुलि उत्साहित यायमःगु परिस्थिति दः । निजी ब्वनेकुथिजक मखु सार्वजनिक ब्वनेकुथिनपां अंग्रेजी भाय्या मोह अप्वयो च्वंगु दः । थजगु इलय थःगु मांभायस्वयो अंग्रेजी भाय् ब्वनेगु स्वइगु स्वाभाविक हे खः । खयां विज्ञान-प्रविधि व विविध विषयसं च्वयथ्यं उच्चशिक्षा ब्वनिपुं विद्यार्थीपुं विदेशेवाड ब्वनेता अंग्रेजी भाय मदयकं मगा । उकिं थथे जुइगु स्वाभाविक नं खः ।

चिच्याहिलेनिसें अंग्रेजी भाय ब्वंकेवं जक ब्वनामि पिनिगु अंग्रेजी भाय् बांलाइ धायगु मति खॉं नं सत्य मखु । बांलापुं शिक्षकपिनिगु अभावं सार्वजनिक ब्वनेकुथि १०० म्हा मचात खय् १-२ म्हा ब्वनामिपिसं जक अंग्रेजी बांलाकगु अनुभव नं दः । अले छँ यायगु वातावरण आखः मसःपुं मां ब्वा पुं विद्यालयसं बांलापुं शिक्षकत मरुगु, अले अजगु वातावरण विद्यालयं विय मफगु, अंग्रेजी भाय प्रति सकारात्मक मजगु नपां जँचय नं ३०-४० ल्या हय्वं पास याइगु बन्दोवस्त हे खोटपूर्ण खः । ३०-४० ल्या कायो पास जुइगुया अर्थ स्वब्वय् छब्व जक ज्ञान दःगु वा व विषयसं कमजोरम्हा विद्यार्थी खः धायगु क्यं । वस्वयो नं अःफुक्क ब्वनामिपुं पास यायगु ग्रेडसिष्टम खं याडः नेपः या शिक्षायाता अझ कमजोर याइगु स्वाभाविक खः ।

थजगु शैक्षिक बन्दोवस्तं अपलं ब्वनामिपिके न थःगु मांभाय् खय् बांलागु ज्ञान दता ? न सरकारी भाय् खय् बांलागु ज्ञां दता ? न अंग्रेजी भाय् हे बांलाक ल्हायफता ? अले छुं छुं देया अनुभव स्वय बले नेदा-स्वदा बांलाक अंग्रेजी ब्वंकेबले अमिसं बांलाक भाय् ल्हाय् सय्क ।

अथेजगुलिं चिच्याहिले थःगु मां भाय् व थःगु हे देयया भाय् ब्वंकेगु, च्यागू-हिगू तगिंखय् वा हिंछगू तगिंखय् जक छगू विदेशी भाय् अनिवार्य यासा न्हूगु पुस्तां थःगु मां भाय् व विदेशी भायनं ल्हाय सय्की । निजी स्कूले मां भाय् व (नेपाली) भाय् बांलाक ल्हाइपिसं नेपाली भाय्या ल्या व खॉंवः या उच्चारण यायता हे थाकु चःगु यक्व उदाहरण त दः ।



नेमकिपाया नायो का.नारायणमान बिजुक्छें (रोहित)

तःमुज्याय् ब्वंगु चिनाखँ, बाखं, च्वखँ विधासं अपलं खय् (नेपाली) खॉंवः त ल्वाक ज्यागु खाने दः । उकिं थुकियाता अझ बल्लाक, बांलाक परिमार्जन यायमालिदक समालोचक भाजुपिसं धायो च्वंगु दः ।

अले तःमुज्याय साहित्यकार, चिकित्सक, वास्तुकलाविद, कानुन ब्यवसायी, पूर्व न्यायधिश शिक्षक, प्राध्यापक, वातावरणविद, संस्कृतिविद, अर्थशास्त्री राजनीतिशास्त्री, समाजसेवी, सांसद, नगर प्रमुख, जनप्रतिनिधि पिनिगु थी थी विषयया ज्ञातापिनिगु न्वचुखं सकल स्व भःपुं स्वकमि दाजुकिजा तता-केहँ पुं, न्हूगु पुस्तां लयतायो ज्ञान कःगु खाने दः । गु किं अपलं जनतात राजनीतिक चेतनां ग्वागु खाने दः ।

न्हयसः जनताया साहित्य च्वयता अले जनताया साहित्यकार जुयता गथे याय् मालिथें च्वं ? न्हूपुं (साहित्यकार) च्वमिपिन्ता लांपु क्यड दीला थें ?

लिसः नेपाल भाषा, नेपाली भाषा व नेपःया थी थी मेमेगु भाय्या साहित्ययाबारे न्हूगु पुस्ताता थुइक थुइकं अमिगु साहित्यया ख्यः भं भं च्ख्यंक यंके मः । नेपाल भाषा, नेपाली भाषं विदेशी भाय्या साहित्यत भाय् हिल, ब्वंके फःसा नं न्हूगु पुस्तां विश्व साहित्य या सबः थुइक हज्याय् फै । उकिं भीगु



नीस्वंगुगु स्वप पौ

साहित्यख्य मन क्वसःपुं न्हू न्हू पुं केहँ-किजापिसं साहित्यया थी थी विधात छ्यल नेपःव नेपामि जनताया भिं जुइगु ज्याख्य चवसा न्ह्याकेगु थःगु कर्तव्य भः पिई । भीसं न्ह्यागु हे यासां न्ह्यागु हे चवसां ब्यापक नेपःमि जनताया भिं जुइगु ज्या सानेमः ।

मति तय् अजगु भावना ब्वलांक, नेपाली साहित्यया जःगय् पलातयो अथे धाय्गु पुलांगु भीगु साहित्य ब्वड विदेशी साहित्य नपां ज्वःलाक स्वय् । भीगु साहित्यता अभ् बांलाक स्यल्लाक चवय । हलिमय् नां जःगु प्रगतिशील साहित्य व ह्यूपाया नितिं तस्कं योगदान बियो वांगु साहित्य पाखं सय्क-सिइक भीगु साहित्यं ज्या साड नैपुं ज्यापु ज्यामि तयगु अले देशया सेवा याय् । न्हूगु पुस्ताया साहित्यकार पिन्ता जिगु सल्लाह व सन्देश थव हे खः । थजगु ज्याख्य स्वार्थ मतसिं ज्या साड हज्याय् नु ।

न्ह्यसः साहित्य राजनीतिया स्यल्लागु ज्या भः जुयमः धायो दिल । अन्हूगु पुस्ताया बिचः थव नपां भतिचा पाः । साहित्यं समाजय् हयूपा हयफै धायगु खाँ मथुयो खःला ?

लिसः संसारे हयूपाया इतिहास पुइक स्वयगु खःसा गुगु देशे साहित्यया विकास मजु उगु देशे हयूपानं मवः अले व दे हज्याड नं वाने मफु । नपां क्रान्ति व उथल-पुथलया इलय् हे अपलं साहित्यत जनता पाखं चवयगु-ब्वनेगु याई । बेलायती क्रान्ति निसँ रूसी बोलशेविक क्रान्ति व मेमेगु स्वतन्त्रता व मुक्ति आन्दोलने नं थथेहे जुगु खाने दः ।

साहित्यं समाजय् हयूपा हयता तहांगु ग्वाहाली याई । अले क्रान्ति व परिवर्तन या इलय साहित्यं क्रान्तिया बिचः अभ् चवयथं स्यल्लाक जनताया छँ खाँ पतिंडांक विई । थुकाथं साहित्य व राजनीति ला व लुसिथें अन्योन्यासित स्वापु दै । उकिं साहित्य राजनीतिया स्यल्लागु ज्या भः खः । राजनीति सुं छम्हा मनूयाय्गु अले छगू जात, सम्प्रदाय वा छगू पार्टीयाय्गु खः धाय्गु मिखां स्वयमज्यु । कार्लमार्क्सया रचनाय् जर्मनियाली, फ्रान्सेली, अंग्रेजी व मेमेगु विदेशी भाय्या साहित्यया चिं खाने दः । उगु भासं प्रभावित जूगु नं खाने दः । माओत्सेतुडया साहित्य ख्यं नं फुक्क चिनियाँ साहित्यया छाप खाने दः ।

न्हूगु पुस्ताया साहित्य ब्वनेगु पला हचिले धुनेवं थजगु फुक्क खाँ न्हयकं स्वयथें खाने दै । थुइके फै । भारतया छम्हा नां जःम्हा कवि नोबेल पुरस्कार त्याकम्हा रविन्द्र नाथ ठाकुर या 'रुसया पौत' छगू सकारात्मक दसु खः ।

न्ह्यसः वर्गीय साहित्य स्वयो बजारिया साहित्य व फेसबुक साहित्यख्य लयतायो च्वंपुं न्हूगु पुस्ताया प्रगतिशील साहित्य ब्वनेगुलि मन वचसाय्केता धु याय् मालि थें ?

लिसः पुलांपुं अपलं चवमि, कवि, कलाकार पिनिगु जीवनी ब्वनिपुं गम्भीर, अध्ययनशील व तस्कं स्यल्लापुं अब्वल

विद्यार्थी त नेपाली साहित्यया दसु खः । अजपुं बांलापु साहित्यकार जुइगु लक्षण दःपुं काथं खाने दः । अथे जुगुलिं न्हूगु पुस्ताया बजारीया व न्ह्यागु नं साहित्य ब्वनेगु धाय्गु स्वयो बां बांलागु हलिमय् नां जःगु लोकं हवागु साहित्य ब्वनेगुलि क्वसाय्के फःसा अमिसं ब्वइगु भाषा, शैली तस्कं बांलाइ । पेखेरं छायापियो तःगु थें हिसी दै । गुकिं न्यनिपुं व ब्वनिपुं न्यनामि-ब्वनामि पिंगु मन्यु बांलाक छाप त्वः ते फै ।

न्ह्यसः यक्व दाँ न्हयौं निसँ साहित्यिक लागाय् ज्यासाड अपलं प्रगतिशील साफू त नेपाली साहित्यया दुकुटी पिथाड समाजयात हचिइकेगुली तःहांगु ग्वाहाली याड दिल । थुगु क्षेत्रे ज्यासाड दियागुया मू आजु समाजय हयूपा हयगु हे जक खः ला थें ?

लिसः ज्या साड नैपुं ज्यापु ज्यामिपिन्ता थःसुखः? धाय्गु खाँ थुइके वियगु नपां मेपिन्ता नं ज्यासाड नैपुं ज्यापु-ज्यामिया समाज दय्केता यागु योगदान थुइके बियता थव छगू स्यल्लागु ज्याभः खः । होटेले ज्या साड नैपुं आखःमसपुं निराक्षर, ल्यासे ल्याम्होपुं, नसापसले ज्या सानिपुं श्रमिकपुं, ल्वहँचा तछ्याइपुं ज्यामित, भारी ल्हयइपुं भरियात फुक्कसिता राजनीतिक चेतना बियो थाने फत धःसाः व छगू तस्कं बल्लागु बः जुयो पिज्वइ । अथे याय् फःगु शक्ति साहित्य दुने जक दः । फुक्क देशे खाँ मथुयो छखेलिक्क सिथय् च्वड च्वंपुं ल्यासे-ल्याम्होपिन्ता थासय्यहयो क्रान्तिया दथु आंगः काथं विकास यागु अपलं उदाहरणत दः ।

न्ह्यसः नेमकिपाया न्हयकगु महाधिवेशन नकतिनी वचवाल । उगु महाधिवेशनं अपलं राष्ट्रिय-अन्तर्राष्ट्रिय कार्यनिति त पास यागु खाँ पत्र-पत्रिकाय् बड्डा । राजनीतिक चेतनास्तर थानेता नपां प्रगतिशील साहित्य क्षेत्रे हज्याय्ता गजगु कार्यनीति हज्याकगु दः थें ?

लिसः नेमकिपाया न्हयकगु महाधिवेशनं गां-गामे व त्वालं त्वालेया न्हूगु पुस्ताया केहँ-किजा पिन्ता चिच्या-चिच्याहांगु साफुकुथित चाय्क प्रगतिशील पत्र-पत्रिकात ब्वनेगु थाय् व चौतारीयाता छयलेगु निर्देशन ब्यूगु दः । अध्ययन गोष्ठी त दयक वाद-विवाद ज्या इवःत न्ह्याकेगु, भाषण कला, साहित्य गोष्ठी त नपां ब्वडागु विषयसं अन्तरक्रिया ज्याइवः यायां जनताया साहित्यया जगः स्वानेगु, उकिंहे समाजे चेतना थानेगु ज्या ख्य सक्रिय याय्गु ज्याइवः क्वःछिगु दः । पार्टीया प्रकाशन त ब्वनेगु व अन्तरक्रिया यायां सैद्धान्तिक रुपं परिपक्व याय्गु खाँ पारित यागु खः ।

(नेमकिपाया नायो भाजु नारायणमान बिजुक्छें जु साहित्यया ख्यलय हरिबहादुर श्रेष्ठया नामं परिचित खः । वयकं साहित्यया बारे ख्वप पौ याता बियो दयूगु साहित्यिक अभिव्यक्ति न्हूगु पुस्ताया लाँपुं क्यनेगु खाँ खः धाय्गु मति तया-सं)



सार्वजनिक सम्पत्ति जनताया सम्पत्ति

नेपाल भाषा साहित्य तः मुंज्यां ३९ दातक मदिसैं जनताया सेवा याड वगु तस्कं चवछाय् बहःजु । थजगु ज्या मदिकक हःनेयंके फय्मः, सुभाय ।

अः खवपय् बयबय् जुयोचवंगु छुं छुं खाँ त काने ।

१) सल्लाघारीया १०८ पि जग्गाया विषय

छुं ई न्ह्यँ उप प्रधानमन्त्री व रक्षामन्त्री ईश्वर पोखरेल जुं खवप वडा नं. १ खय् लागु सल्लाघारीया १०८ पि जग्गा निरिक्षणे भःसां लिसैं अपलं चर्चा जगु उगु जग्गा जुजु विरेन्द्रया पालाय् म्हँव तय्ता छपिया खुस व बुथुपिन्ता छपिया हिन्थस, मुक्कं हिंच्यास दां बियो अधिग्रहण यागु खः । गुलिसिनं अःतक धेबा काय् मफुनिगु उगु जग्गा अपलं बाँभो व वेवारिसे जुयो चवंगुलिं खवप नगरपालिकां खवप विश्वविद्यालय तयता थाय बिया दक माग याड वगु खः ।

नेपाले गणतन्त्र वसेलिं उगु जग्गा नेपाल ट्रष्टया नामे वाडालिं नेपाल ट्रष्टया विषयसं अब्ले छलफल जबले जिपुनं उगु विधेयक दय्केगुलि बवति कायागु खः । उब्लेया जुजु विरेन्द्र व रानी ऐश्वर्य व वयक पिनिगु हक दःगु फुक्क सम्पत्ति नेपाल ट्रष्टया नामे तय्गु, उगु सम्पत्ति शिक्षा व स्वास्थ्य क्षेत्रे जक छ्यलेगु सहमति काथं नेपाल ट्रष्टएन २०६४ संसदे पारित जगु खः ।

ऐने नेपाल ट्रष्टया सम्पत्ति क्वय् चवयो तः काथं जक छ्यलेगु खाँ क्वजितः

क) विद्यालय, महाविद्यालय, विश्व विद्यालय थजगु प्राज्ञिक संस्थात निस्वाड न्ह्याकेगु वा न्ह्याकेता अनुदान बियगु ।

ख) अस्पताल वा स्वास्थ्य चौकी



भक्तपुर नगरपालिकाया प्रमुख सुनिल प्रजापति

थजगु शैक्षिक व प्राज्ञिक संस्थात दयक न्ह्याकेगु ।

ऐनया उद्देश्यकाथं खवप नगरपालिकां उगु जग्गा खवप विश्वविद्यालया निंति माग याड वयोचवंगुलि सरकारे वापुं दलतय्सं वेवास्ता याड चवना ।

नेपाल ट्रष्टया सम्पत्ति सरकारया सम्पत्ति खः । अथेधाय्गु थव जनताया सम्पत्ति खः । गुलिसिनं नेपाल ट्रष्टयाय्गु भिन्दै संस्था जगुलि उकिया सम्पत्ति नगरपालिकां काय् दैमखु जक हालचवना । प्रधानमन्त्री संरक्षक, नेपाल ट्रष्ट सञ्चालक समितिया नायो गृहमन्त्री (न्हपा)अः रक्षामन्त्री जुडुगु व मे मेपुं मन्त्रीत व सचिवत दुजः जुडुगु ट्रष्ट सरकारी मखुसा छु खः ? वयकपिसं थुय मःगु खः ।

०२१ सालया नापी खय् १०८-२-० दःगु अः नगरपालिकाया प्राविधिक पुचः छवयो जग्गा दाकाबले १०६-२-० जग्गा

जक ल्यं दः नि । भण्डै नेपी जग्गा त्यल काय धुंकल । भ्नीसं उगु जग्गा संरक्षण यायता गृहमन्त्रालय, नेपाल ट्रष्टया नामे पौ चवया । आनानं छुं हे लिसः मवः । उगु जग्गाय् सःगःथें फोहर मुनिगु, मोटर साइकल व मोटर चले याय्गु स्यनिगु, साँ, में सिपुं वाय्गु थाय् व कवाडी सामान ट्रिचिनेगु थाय्काथं छ्यल चवना । नगरे ट्रिचिनेगु वय्गु लुखा हःने हे अजगु फोहरत स्वयो वयमःगुलिं चिड्क बांलाकेगु सुभावा वगुलिं नगरपालिकां संरक्षणया निंति लाहा तःगु खः ।

स्थानीय सरकार ऐन २०७४ रं 'सार्वजनिक ऐलानी, पर्ती जग्गा (ख्यः) सार्वजनिक भवन, सम्पदा व मौलिक पूर्वाधारया संरक्षण याय्गु अधिकार नगरपालिकाता बियो तःगु खः । वहे अधिकार छ्यल रु. ९८ लाख तका दांया ल.ई. व पःखः दानेगुया नक्सा स्वीकृतयाड उपभोक्ता समिति पाखं ज्या न्ह्याकगु खः । नगरपालिकां पःखः दानेगु ज्या न्ह्याकेवं



नीस्वंगुगु स्वप पौ

नेपाल ट्रष्टया मनूत स्वःवयुगु यात ।

नेपाल ट्रष्टया पुचः या न्ह्यलुवा जुयो छ्याञ्जे गजेन्द्र ठाकुर सह-छ्याञ्जे राजेश्वर जवाली लगायतं उगु जग्गा निरिक्षण याड २०७५ चैत्र १ गते नगरपालिकाय् भाल । नगरपालिका व ट्रष्टया पदाधिकारीपुं नपां चवड बैठक जुल । वयकपुं लयतायो पः खं मुडकगुली लयता प्वकसें सुभाय देछायो नेपाल ट्रष्टया स्वामित्व खय् दःगु जग्गा खपया जनताया भिं ज्याखय् छ्यलेगु, नगरपालिकां यागु ज्याखय् सहमति ब्युसें नेगू पक्षया प्राविधिकत तयो हकनं छक बूँ दायगु खाँ क्वजित । उगु क्वजिगु खाँ काथं दोहरो नापनक्सानं याय सिधल ।

२०७६ असार १५ गते नेपाल ट्रष्टया पदाधिकारी योड-जोड शेर्पाया पुचं हकनं निरीक्षण याड दिल ।

थथे नेपाल ट्रष्टया पदाधिकारीपुं नपां तःकहे खँला-बँलायाड मिलेजुयो ज्या हज्याक च्वंगुलि नेकपाया कार्यकर्ता त विशेष याड खप क्षेत्र नं. २ या सांसद, प्रदेश सांसदपुं, सूर्यविनायक नगरपालिकाया प्रमुख, वडाध्यक्ष नपां थ पुचःत मुड उपप्रधान व रक्षामन्त्री इश्वर पोखरेलयाता अले नेपाल ट्रष्टे वाड खप नगरपालिकां ता पःखः दांके मजिल दक हःवाना । खप विश्व विद्यालय दयकिन, नगरपालिकां थःगु हे स्वामित्व दयकिन, धायगु मखुगु खाँ मनं गवयो ज्या बन्द याकेमाला जक हः वाना । थव फुक्क खाँ लिपा नपालाडानिं तिनी भीसं सिला । सरकारी जग्गा नगरपालिकां संरक्षण याय तांबले रोके याइपुं जनप्रतिनिधिया खवःपालं पुयो जूपुं जनबिरोधी खः । समाजया कलङ्कत खः । अजपिता जनतां थुकलं बिय्मः, घृणा याय्मः । अजपिसं जनताया सेवा याइ दक च्वंसा तधांगु गल्ती जुई । नेपाल ट्रष्ट 'नगरपालिकां ट्रष्टया जग्गाय् धेवा उठेयाता' थःगु खाँ मिले मजु ।

भीसं-नगरपालिका छुं एन जि ओ मखु, स्थानीय सरकार जगुलिं ऐने दुने चवड हे ज्या साड चवडागु खःधाया । स्थानीय सरकार सञ्चालन ऐन २०७४ य् नगरपालिकां 'ब्यापार व्यवसाय अले सेवा व्यवसायखय् कर उठेयाय्गु अधिकार, अथेहे सरकारी जग्गा खय बः उठेयाय् दःगु व्यवस्था दः ।

नेपाल ट्रष्टया धापुकाथं नेपाल ट्रष्टके अः नीन्ह्यद्र पि जग्गा दः । उकिमध्ये नीद्रपि गुं (वन, जड्गल) व न्ह्यद्रपि जग्गा तस्कं महत्त्वपूर्ण थासय् दः । मुंकः तःगु दां करिब ७५ करोड, १ लाख ३४ हजार अमेरिकी डलर ७५ हजार स्ट्रलिङ्ग पाउण्ड याड मुक्कं ७८ करोड दः । दौयँदँसं च्यागू करोड ब्याज व गुगू करोड बःवैगु याड हिंन्ह्यगु करोड आम्दानी जम्मा जुइ । छुं ई न्ह्यो तक उकिया ध्याछ धेवा हे नेपाल ट्रष्टं खर्च याय मरु । अः संशोधन याड ब्याजया १० प्रतिशत अर्थात दाच्छीया ८० लाख तका दां खर्च याय् दैगु ब्यवस्था यागु खः ।

उगु १०८ पि जग्गा खपया जनता तयगु खः । उकिं खपबासीतयगुहे भिं ज्याखय् छ्यलेमः । थवहे खाँ ज्वड नगरपालिका हचिल च्वंगु खः ।

२) सल्लाघारीया चवडा गणेद्यो नपांया जग्गा

खप नपा वडा नं. १ खय् लागु सल्लाघारी चवडा गणेद्यो नपां या १४० रोपनी, ९ आना, जग्गा २०२१ सालय्, नापी या बले पर्ती जग्गा दक चवयो तःगु खः । स्थानीय जनतातय् सांस्कृतिक पर्वखय् पूजा आज्ञा यायगु, धार्मिक आस्थाया थाय् काथं परम्पराकाथं यक्व दाँ हाँ निसें सार्वजनिक जग्गा काथं छ्यल वयो च्वंगु खः । चवडा गणेद्योया देगः, फल्चा, सत्त, रानी पोखरी नपां दःगु जग्गा त २०४० सालय् सैनिक महाविद्यालयया नामे दर्ता याड सैनिक तय्सं मेपिन्ता दुताहे मछ्वसें छ्यल वयो चवना ।

इलय् ब्वलय् चवडा गणेद्योके पुजा-आजा याइबले, छुंनं सुधारया ज्या याइबले अले दिगु पुजा बले जनता नपां अपलं विवाद जगुदः ।

जिपुं निर्वाचित जुय हाँ व जुय धुकं चवडागणेद्यो व उकिया जःखः रानी पुखु, दुध चिस्यान केन्द्र तयो तःगु जग्गा, सिद्धपुखुया उत्तर पाखेया (खेलमैदान) कासा खय, नगरपालिकाया अधिकार क्षेत्र दुने वयमःगु धायो पत्राचार याडा । तःपुखुया उत्तर पाखेया कासा खयः तत्कालीन प्रधान सेनापति प्रज्ज्वल शम्शेर राणानपां सम्भौतायाड सुथाय व बहनीयाड हिं नेक खपय्या जनतात म्हेते दैगु याड च्वक काया । द्वन्दकाललिपा वनं बन्द जूला । जिमिसं रक्षा मन्त्रालय, नेपाली सेनानपां थुकिया बिषयसं पटक-पटक पत्राचार याडा ।

२०७५ चैत्र महिनाय् प्रधान सेनापति पूर्णचन्द्र थापा नपा लायगु अवसर दत । वयकता फुक्क खाँ चवयो ब्याका । वयक खप नगरपालिकां याड वयोच्वंगु शिक्षा, स्वास्थ्य व सम्पदाया विषय धवाथुड्क च्वंम्हा मनू जुयो चवना । जेठ १ गते नेपाली सेना पाखं पत्र प्राप्त जुल । उगु पौखय् रानी पुखुया नापनक्सा नगरपालिका व सेनाया प्राविधिक टोलीमिलेजुयो यायगु, रानी पुखु नगरपालिकां मौलिक शैली हे पुनः निर्माण यायगु, परातात्विक वस्तुया संरक्षण, सी सी क्यामरा जडान यायगु, सुथाय् ६ ताइलय् निसें बहनी ६ ताइलय् तक सर्वसाधारण जनता तयता चाहिले दैगु व्यवस्था चवयो तःगु खः ।

दुग्ध चिस्यान केन्द्रे पार्किङ स्थल दय्केगु नपां सिद्धपुखुया उत्तर पाखेया कासा खयलय् नगरपालिकां काँबार तयगु व मर्मट नं यायगु, निश्चित ई तयो निहं निहं सर्वसाधारण जनता तयता नं म्हेते दैगु व्यवस्था चवयो तःगु खः । पत्र वय धुनेवं काँबार तयगु ज्या भण्डै क्वचाइन,



नीस्वंगुगु स्वप पौ

रानीपुखुली नं ज्या जुयो च्वंगु दः । थथेयाड खवप नगरपालिकां जनताया सम्पत्ति संरक्षण याय्गु ज्या खय् बः बियो ज्या साड च्वंगु दः ।

३) क्यान्सर अस्पतालया सम्बन्धे

भक्तपुर क्यान्सर अस्पताल दयकेता खवप नगरपालिकां जग्गा २०५८ साले व उकिं लिपा अस्पताल सञ्चालन याय्ता २० लाख तका दां ब्यूगु खः । नगरपालिकाया प्रमुख क्यान्सर अस्पताल सञ्चालन समितिया न्वकु व भक्तपुरं निर्वाचित सांसादपुं सल्लाहकार व स्वास्थ्य मन्त्रालयया प्रतिनिधि दुजः जुइगु व्यवस्था दः । खवप नगरपालिकां जग्गा ब्यूगु इलय् उगु जग्गा सुं वयक्ति वा संस्थाता छय्यकेमरुगु, हक हस्तान्तरण याय् मरुगु, उगु जग्गाय् छुं नं भौतिक संरचना दयके मःसा नगरपालिकाय् नक्सा पास याड जक दयकेमःगु सर्त तयो ब्यूगु खः । क्यान्सर अस्पतालया न्हापा याय्यु पदाधिकारी पिसं छुं सर्त माने मयासीं नगरपालिकाया प्रमुख, स्वास्थ्य मन्त्रालयया प्रतिनिधि व निर्वाचित सांसद तयता लिकायो छवयो भक्तपुरे दर्ता हे मरुगु गैर सरकारी संस्था (□□□) नेपाल अर्बुद रोग निवारण संस्थां छ्यल च्वंगु खः । अले भौतिक संरचना नक्सा हे पास मयासैं थःयत्थें दयक च्वना ।

क्यान्सर अस्पताले आर्थिक अनियमितता जूगु अपलं पत्र-पत्रिकां चवय धुंक पटक-पटक उल्लेया पदाधिकारी पिन्ता नपालाय्गु कुतः याडा । वेवास्ता यासेलिं सल्ला बल्हा याड समस्या ज्यंकेगु जिमिगु कुतः असफल जुल ।

जिमिसं पत्र पत्रिकां चवगु विषय छु खः दक दुवाल स्वया । ३८ म्हा कर्मचारी तय्गु तलब अस्पतालं छम्हासिता लच्छीया २६,५००।- तका दां कायो कर्मचारी तय्ता म्हातिं १३,०००।- तका दां जक बियो तःगु स्पष्ट जुल । व कर्मचारी त भरोसा समिर्भसेज कम्पनी पाखं तयो तः गुलिं

कम्पनी सञ्चालक अस्पताल व्यवस्थापन समितिया दुजः विमल होडा जुयो च्वना । थमनं न्ह्याक च्वंगु कम्पनी थः हे दुजः जुयो न्ह्याक च्वंगु अस्पताले थमनं जनशक्ति तय्गु गैरकानुनी ज्या खः । मजदुर तय् पाखं जक लच्छीया डागु लाख स्वयो अप्वः भ्रष्टाचार याड च्वंगु प्रमाण दसेलिं मे मेगु विषयं नं मालेगु ज्या जुल । वहे भूवःले दाच्छीया १६ करोड तका दां आम्दानी जूगु अस्पताले एक करोड तका दांया जक करचुक्ता याड क्यडतःगु सिटिस्क्रयाने ८२ लाख तका दां जक आम्दानी क्यड मेगु सुचुक तःगु ल्याबे छुं ई न्ह्यौं तक ५६ प्रतिशत अस्पतालता ४४ प्रतिशत सञ्चालकता बियो सञ्चालकं हे कर्मचारीया भार कुबियो वयो च्वंगुलि २०७४।९।३ गते निसैं ४५ प्रतिशत अस्पतालता बियो फुक्क कर्मचारीया भार नं अस्पतालता कुविडक लच्छीया लाखौं अस्पतालता दयाकगु खाडानि जिमिसं छलफल याडा ।

आर्थिक अनियमितताया विरोधय् कर्मचारी, चिकित्सकपुं दड वल । ज्यासाड च्वंगु स्टाफ तय्सं अस्पताल व्यवस्थापन समिति गठन याड बिया दक निवेदन बिल । स्थानीय जनता नं अनियमितयापिंता कार्वाही याय्माला जक निवेदन बिल । अले जनभावना काथं २०७६ साउन ३० गते नगर प्रमुखया नायोलय क्यान्सर अस्पताल व्यवस्थापन समिति गठन याय्गु खाँ क्वजित ।

नगरपालिकां व्यवस्थापन समिति गठन याय् धुंक जनतात तस्कं लय्तः । अले खाँ हे मथुडक ताःकं बिरामीत अलपत्र, सेवा खय् पंगः थान, धायो छुं छुं सांसद पिसं संसदे नुवात । तथ्य ख व सांसद पिनिगु खाँ फय्खाँ जक स्पष्ट या ।

नगरपालिकां काय् हाँ साउन महिनाया बिरामी जम्मा ८७०९ म्हा सिं उपचार याकेखांगु खः सा भदौ महिनाखय

व स्वयो अप्वः ८९३८ म्हा सिं उपचार याके खान । २२९ म्हा सिं अप्वः उपचार याके खांगु थासय् गथे अलपत्र जुई ?

आर्थिक रुपस्वयबले साउन महिनाय् रु. १ करोड ८९ लाख २२ हजार ५ सय आम्दानी जुलसा भदौ महिनाय् रु. १ करोड ९८ लाख ६९ हजार पाँच सय आम्दानी जुल । थथे स्वयबले ९ लाख ५६ हजार अप्वः आम्दानी जुल ।

अस्पताल प्रति कर्मचारी व स्थानीय जनताया विश्वास भन बढे जुयो च्वंगु दः । थजगु इलय प्रदेख नं. ३ या मुख्य मन्त्री डोरमणि पौडेलजुं 'नगरपालिकां अधिकार हाचां गायो ज्या सांगुलिं प्रदेश सरकार सुंक च्वनिमखु' जक धाला । स्थानीय सरकारता अस्पताल सञ्चालन यायगु अधिकार मरुसा एनजिओं गथे अले गनानं ? अस्पताल सञ्चालनया स्वीकृति काला ? क्वैं मरुगु म्हुतु धायवं मने वथें महालेता जिमिसं आग्रह याडागु खः ।

क्यान्सर अस्पतालनं जनताया अस्पताल खः सम्पत्ति खः। उकियाता ल्यंक तय्गु ज्या नं जनतां हे याड । नगरपालिका जनताया भिं जुइगु ज्याखय् न्ह्याथिन्यःगु पंगःत नं हाचां गायो ज्यासानेता तयार दः ।

(२०७६ असोज २३ गते विहिवार न्हापांगु दिनसं ३९ गु नेपाल भाषा साहित्य तः मुज्याय् नेमकिपाया केन्द्रीय दुजः नपां खवप नगरपालिकाया प्रमुख सुनिल प्रजापतिजुं वियो द्युगु न्वचु)

**स्वप नगरता न्ह्याबलैं
सफा, सुग्घर याड
तय्गु सकल
नगरवासीतय्गु कर्तव्य
खः ।**

खँल्हाबल्हा

ख्वप-पौया खँल्हा बँल्हासं वडा नं. १० या वडाध्यक्ष लक्ष्मीप्रसाद ह्योमिखाजु या अन्तरवार्ता



वडा नं. १० वडाध्यक्ष लक्ष्मी प्रसाद ह्योमिखा

ख्वप नगरपालिका दुनेया फुक्क वडात ख्वप नगरपालिकाया निर्देशन काथं विकास निर्माण व सम्पदा संरक्षण नपां जनताया समस्या जनताया छँ हःने थ्यंक वाड समाधान याड च्वंगु नपां सेवा याड च्वंगु खाँया प्रशंसा थाय् थासं याड च्वंगु सकसिनं स्यू । उकियाता पुष्टियाय्गु काथं जनप्रतिनिधि पिनि पाखं थःथःगु वडाया ज्या नपां वडा म्हासिइकेगु काथं वडाध्यक्ष जु पुं नपां याडागु खँल्हाबँल्हा मध्ये वडा नं. १० या वडाध्यक्ष लक्ष्मी प्रसाद ह्योमिखा नपांया खँल्हाबल्हा -

न्ह्यस : थःगु म्हासिका नपां थुगु वडाया परिभाषा बियोदिसं ?

लिस : सामाजिक ज्याख्य न्ह्याब्लें थःता पाड समाज उत्थानया ज्या याय् मं दःम्हा जी लक्ष्मी प्रसाद ह्योमिखा, ख्वप नगरपालिका वडा नं १० या वडाध्यक्ष खः ।

थुगु १० नं वडा साविक ४ नं वडा खः । थुकिया क्षेत्रफल १.६३६३ व.मि. दः । थुगु वडाया पूर्वपाखें चा.न.पा. ५ व ७ वडा पश्चिम भनपा वडा नं ६ उत्तर चा.न.पा. ५ व दक्षिणपाखे भनपा वडा नं. ९ या दशवी श्व १० नं वडा ला ।

२०६९ या जनगणनाकाथं थुगु वडाया मुक्क जनसंख्या

११०११ म्हा दः । उकिमध्ये मिजपुं ५६२५ म्हा, मिसापुं ५३८६ म्हा व घरधुरी (छँखा) १९०० दः । देया थी थी थासं थुगु वडाया बसाइसराइ जुयो बसोबास याड च्वंगु दः । ख्वप नगरबासी पिन्ता त्वनेगु नाःया पाइपलाइन श्वहे वडा जुयो वैगु खः । ख्वप नगरदुने अपलं खेतीयोग्य बँ श्वहे वडाया जक ल्यं दःनि ।

न्ह्यस : थुगु वडाया प्रसिद्ध सम्पदात छु छु दः थें ?

लिस : थुगु वडाया अपलं पुखु ल्यं दःनि । गथे कि प्रसिद्ध कमलपुखु (यातु बारे पुखु) नाग पुखु, ग्वंगःपुखु, क्वाठण्डौ पुखु, बेखाल पुखुत दः । अथेहे छोछें नेखा, चैत्य हिंङागः, ल्वहँहिहि हिंछपु, सत्त, खुगु, फल्चा पीडागु, तुंथि न्ह्यगः, ब्वंङ्गचा हिंछगु, देग हिंछगुः उकिमध्ये अपलं नांजःगु यातु गणेद्य (कमल विनायक), महालक्ष्मी देगः, क्वाठण्डौ दुनेया शाक्य मुनि (दिपंकर महाविर) खः ।

न्ह्यस : सम्पदा संरक्षण व विकास निर्माणया ज्या अतक गुलि जुय धुकला थें ?

लिस : कमल विनायक सतः पुनःनिर्माण, नासःछें नपां च्वंगु उत्तरमुखी फल्चा पुनःनिर्माण, कमल विनायक पुखुली उत्तरपाखें नाःज्वःगु तियगु ज्या, महालक्ष्मी या कःति फल्चा पुनःनिर्माण, महालक्ष्मी छोछेंया प्वहँ ल्हवनेगु या सिधःगु क्वाठण्डौया तुंथि पुनःनिर्माण थजगु सम्पदा संरक्षणया ज्या नपां कमल विनायक पाइपलाइने ग्राभिलिङ्ग (ल्वँचा लायगु) कमल विनायकया पेपररिसोलिड चाकछिं पःखः दाडागु, कमल विनायक समता स्कूल जःखः निकासया ज्या यागु, नासःद्यो गल्ली अपां सियागु, कमलविनायक कभरहलया लागिं शौचालय दयकागु, वडा नं १० या कार्यालयया पर्तिजगा संरक्षण, नाः व विकासया ब्यवस्था, कमलपुखुया दक्षिण पूर्व अपां सियगु ज्या, कमलविनायक भ.न.पा. या जग्गाख्य कसरतया सामान तय्ता ज्या साड च्वंगु, थालाछें नागपुखुलीया पूर्व व उत्तरपाखे अपां सियगु ज्या, बेखालं नवदुर्गा छोछें वानेगु ढलनिकासया ज्या, कमलविनायक प्लानिङ्गया खुल्ला चौर संरक्षण याय्ता फः (पेटी) दय्केगु ज्या, दुजले-दथुन्वःचा वानेगु लाँय अपां स्यूगु, नगांचाय् लाँय अपां स्यूगु, लांचापलि-पाइपलाइन या लाँय ग्राभिलिङ्ग, लाँचापलि व चोखागणद्यो या देगः दशवी द्रहँ वानेगु लाँय अपां सियागु, थाथुलाँ निसें क्वाठण्डौ तकया लाँय लांचापलि निसें ख्वप बहुउद्देशीय भवनतक पीच याय्गु ज्या न्ह्याकच्वंगु,



राजकुलो मर्मत याड च्वंगु थी थी विकासया ज्या इवः त जूगु दः ।

न्हयस : थुगु आ.व. खय याय मःगु ज्या छु छु दः थै ?

लिस : ख्वप नपा. १० नं वडा कार्यालय समेतया द पी जग्गाखय बहुउद्देशीय भवन निर्माणया लागि नक्सा च्वय्गु ज्या जुयो च्वंगु बेखालया टि.टि हल निर्माण यायेमःगु भनपाया आ.व.या विनियोजित बजेट विकासनिर्माण ज्याखय् छयलेगु ।

न्हयस : शिक्षा, स्वास्थ्यया निति थुगु वडाया छु छु ल्यातस्था याड तयागु दः थै ?

लिस : आर्थिक अवस्था कमजोरपुं वडाबासी विद्यार्थी पिन्ता शैक्षिक छात्रवृत्तिया लागि सिफारिस याडागु, ख्वप नपाया निर्णय काथं वडा दुनेया स्कूले व्यवस्थापन समिति निस्वाड, स्थानीय पाठ्यक्रम लागु याक मः काथंया ग्वाहाली याड च्वंगु दः ।

स्वास्थ्य लागाय् अःखाने दयो च्वंगु देगु ल्वय्या बारे जन चेतना मूलक ज्या जुयो च्वंगु, पाठेघर, स्तन क्यान्सर, सुगर (चिनि ल्वय) प्रेसर, मृगौला जाँच आदि शिविर सञ्चालन याड वगू छँ छँ नर्सिङया ज्या इवः न्ह्याक वयो च्वंगु विषादी रहित तरकारी उत्पादन याय्ता कःसि खेतीया तालिम बियो वयो च्वंगु नपां स्वास्थ्य बिमाया ज्या जुयो च्वंगु दः ।

न्हयस : जनता तय्ता चुनावया इलय घोषणा-पत्रं वियागु बचं काथं छु छु ज्या सिधला अले छु छु ज्या याय बाकी दःनि थै ?

लिस : घोषणा-पत्र काथं शिक्षा, स्वास्थ्य, सम्पदा विकास निर्माण व सरसफाइया ज्या प्राथमिकता बियो ज्या याड वगु, वहे काथं जनताया निति मःगु ज्या वडाबासी जनता सहभागी याड वयक पिनिगु हक, हित व भिं जुइगु ज्या यायां वानेगु वडाया उद्देश्य खः ।

न्हयस : दकले लिपा वडाबासी पिन्ता छु अनुरोध याय मःगु दःला थै ?

लिस : ख्वप देयाता नमुना नगरकाथं विकासयाय्ता सकलें वडावासीपिनिगु क्वातुगु ग्वाहालीया आशा याडा । पर्यटकीय वर्ष २०२० खय् ख्वपदेयाता पर्यटकीय गन्तव्य स्थल दय्केता भी फुक्क छप्पा जुयो हज्यायनु । ख्वप नगरपालिकाया ज्या इवःसं थःगू मौलिक सांस्कृतिक ज्या इवःत पिब्वयो ग्वाहाली याड दियता इनाप नपां वैगू न्हूदें व स्वन्ति नखा नपां छठया भिन्तुना दे छासे सु-स्वास्थ्यया कामना याय् ।

बुहांज्या

भाजु धुव नारायण कायस्थ

मास वया च्वन कउला कछला,
अति न्हैपुस्य नं च्वंगु स्व पासा ।
देशय् लक्ष्मी दुहाँ वया च्वन,
स्वया-स्वया थाय् वाट्टें जुया च्वन ।

फुक्क घया थें भ्यावें चाया
ज्यापु दाजुपिं जुल स्व बुहां ज्याय् ।
'वा खासे, वा खासे' धाधां
बुँइनं गुलि गुलि वाट्टें इया च्वना ।

इमि निति ला छगू नखः थें
अति हे रहं सका जुया च्वन,
मदिक नयां च्वन, ज्या -जि सनां च्वन,
अलिस चाय्गु अमि भ्या मदया च्वन ।

थः नं कत नं सकस्यां नय्त
उद्योग यात न्हि वं मचाय्क,
युद्धं विजयी जूम्ह वीर थें
फूर्ति सुयाकें म्ह मजू धात्यें ।

ह्याउँक वाउँक छयँल्य् छुना स्वां
ब्वहल्य् अन थन छाय्पा अबिरं,
लयलय तातां प्याखं ल्हुल्हुं
छगू सलं अमि हाल थथे म्ये

'भाजु व खः सां नां जक तःधं,
ज्यापुत जूसां जिमि ज्या तःधं,
थुलित ज्या सना जिमिसं जूसां
नयमाः जिमिसं स्वक्कं-इक्कं ।'

(न्हापांगु ख्वपया नेपाल भाषा पत्रिका ब्याहाँ पाखं साभार
वि.सं. २०११)

नेपाल भाषा सयुके

नेव जातिया ल्याखायुगु पहः तस्क बिस्क पहया खाने दः । गुकिंयाड नेवः भाय सयुकिपिसं नेवः जुयो हे सयुके मः । छगू वस्तुया ल्या उगु वस्तुया पहः स्वयो याई । गथेकि - पु जुलसा-छपु, नेपु । ग्वःलागु जूसा-छगःनेगः । पाःचिगु जूसा - छपा, नेपा । म्हा जूसा- छम्हा, नेम्हा । खाःजूसा- छखाः, नेखाः । प्वाः जूसा-छप्वाः, नेप्वाः। मा जूसा-छमा, नेमा । गःजूसा - छगः, नेगः । फवःजूसा- छफवः, नेफवः । चाक जूसा- छचाक, नेचाक । थ्वाकः जूसा छथ्वाकः, नेथ्वाकः, जू जूसा- छजू, नेजू आदि इत्यादि काथं ल्या खायुगु चलन दः । छुनं तरल बस्तु जूसा छुकि तला वहे काथं ल्या खाई ।

गथेकिः- छतिकी, नेतिकी (नाःचिकं), छ घुतु, छप्वास, नेप्वास, छकरव, छलुता, छधः, छताँफ, छटेप, छट्यांकी छधालाँ, छभ्यो, छबाल्टिन ।

अथेहे छुनं वस्तु चिइगु इलय् उकिया पहः स्वयो नां तइ गथेकि सू थुचिइबले छथु, च्वय्लाक चिसा छबुज, क्वय प्वःकादखे चिसा छकले जक धाइ, थव छ्वाली, तरकारी चिबले धःसा बुज वइमखु ।

अथेहे नाप खय् छलांगु च्वक्वलाछि, क्वलाछी, म्हुकुछि, कुछि (एक हात) ल्योसिं दूछि (५५ हात) क्वय्छि- (एक कोस) स्वक्वय् (तीनकोस)

तौल- बाल्हाँ-आधापाउ

पलाँ - एक पाउ

छधानी - १२ पाउ (एक धानी)

अथेहे ग्वःक-छक, नेक,तःक (धेरै पटक) टूँ जूसा छट्टै(वाछट्टै) ज्वाः(भ्रुप्पा) छज्वा, नेज्वा, धवः जूसा छधवः, नेधव, स्वयगु-छपुलु, नेपुलु । भाजनयः छ भाजं, हासाय्, छहासा, पत्तुख्य छपतु, ख्वलाय् छख्वला, सिसिखय् छसिसि, अन्तिजायक अयला, छस्वमा थ्वँ, ताक्या खय् छताक्या, छ कराही काथं छयली । बजी ल्हइबले उगले च्वंगु बजी छप्वाकः छुनं छगू वस्तुया गोलाई मोटाइ उचाइ आदि स्वयो नं ल्या खायुगु याइ । गथेकि छँ छखाते जक स्वयबले-

छँ- छखा, लुखा -छदुवा, खापा छज्वः, भ्र्यो छपा, थां, धलिं, निलः-छगः, अपा/पोल्हँ अपा-छपा, स्वन्हँ छपु, स्वन्ह ताकी-छताकी, क्वथा छक्व, छेली, मातं, च्वता, बैगः, कःसि, छक्व, बाँ छथाय्, आँगःछगः पोल्हँ, छँ-छता, चुकु छगु, किबा, छक्वः, धवं छधवं आदि इत्यादि ल्या काथं छयलेगु याः । अथेहे बुईं जूसा छक्व बुँ, छख्वा बुँ, दें छदँ, पु (छोपु, प्याज, लाभा, आलु) छपु, छतिक्व नेतिक्व आदि काथं काई ।

अथेहे भ्वँ छभ्वयँ, छब्ब, नेब्ब, छघासा, नेघासा, लप्ते छपा, सलि छगः आदि काथं छयली- छगू नेगू दसुकाथं- ल्याः खायुगु (गन्ती/Counting)

अन्न दायबले

छि/छै १	नसें २	स्वँ ३	पि ४
डा ५	खु ६	न्हय् ७	च्या ८
गु ९	साँध १०	सन्टै ११	संनसें १२
संस्वँ १३	संपि १४	संडा १५	संखु १६
संन्हय् १७	संच्या १८	संगु १९	नी २० १०० संसाँध

(बुहा पिसं छियाता द्योया नां कायो राम्भ, नसें... जक दायुगु याई । न्हापा न्हापा धेवा नं दाड कायुगु यादक धःगु न्यड तया । गुकि डबल धेवा फाछीया द्दछी जक धायुगु या)

क्वचाथलेबले (टुक्रा)

छक्वः	नेक्वः	स्वक्वः	प्यक्वः
डाक्वः	क्वचा थले बले		मारी चक्छी
मारी बाक्व	मारीःछपा, नेपा, स्वपा ...		

त्वाचां दायबले

चक्छी - चौथाइ	बाचकं - आधा चौथाइ
बामना - आधामाना	स्वचकं - तीनमाना
छमना- माना	कुछी - दुईमाना
प्यम्ना - चार माना	फाँछी - पाथी
डाफा - पाँचपाथी	हिफा - दसपाथी
छमुरी- एकमुरी	मदासें छम्हु छप्वास नं धः । (मुठी/अञ्जुली)

अथेहे नेसुंचा (बजी) (भातिचा) छभवः जक नं धः । जाः वस्तु नपां तुलना याड नं धः साँसी बःक्व, लाजा बःक्व, ख्वसिं बःक्व... । जा-छपे, न्यपे, स्वपे नं धः नपां छलुकु नेलुकु स्वलुकु नं धः अथेहे जा छभू, नेभू, स्वभू ... नं धः । अले जासी च्वंबले छजासी, छफोसी, छतपेस, गुकि तला वहे काथं नं धाइगु खः । अथेहे नाः, चिकं आदि तिकी यानिगु जूसा छतिकी, न्यतिकी धाइ, धौ छतु, नेतु... धाइ । ला धःचां तकिबले छधःचा, नेधःचा, क्वःनिड (तःक्बला) छक्वः, नेक्वः ।

दां (धेबा)

चुदां/चुनां/दाम/दांछी	प्यदांया ध्याछ (४ दामको १ पैसा)
ध्यान्यो-दुईपैसा	पेंगः- चारपैसा
डाग-पाँच पैसा	हिगः १० पैसा
स्वायना (स्वंगुआना) १२ पैसा	डायना -२० पैसा
छस्का - २५ पैसा (सुकी)	ह्याना - ४० पैसा
छम्हवँ - ५० पैसा	न्हायनात्या - २९ पैसा
ग्वायना - ३६ पैसा	छर्का - १ रुपैयाँ (डबल)
डार्का -५ रुपैयाँ	हिकर्का - १० रुपैयाँ
नीर्का - २० रुपैयाँ	डयूतका- ५० रुपैयाँ (बासः नं धः)
सच्छी - १०० रुपैयाँ	सछी- १०० रुपैयाँ
डास- ५०० रुपैयाँ	द्वछी - १००० रुपैयाँ

संकलक- सम्पादक



फेडरिक एंगेल्स जीवनी लय्-गाइँचा

■ वन्दरबहादुर उलक

जर्मनीया उपरतालय्, एंगेल्स धःम्हा बुल,
उपरतालया शहरे च्वड, आखः सयेकल ॥१॥
कारखानाया मालिक एंगेल्सया बौ धाल
मचा बैसे एंगेल्स भाजुं सुख सियो जुल ॥२॥
आखः ब्वने मगाबले बौ नं ब्यापार याकल
ब्यापार यायां ज्ञान कायेता, थःहे ब्वक जुल ॥३॥
इतिहास, भूगोल, साहित्य, भाषा-विज्ञान सयेकल
हेगलवादी मनूत नापां, पासा याड जुल ॥४॥
अन्धविश्वास रुढिवादी, धर्म कर्म त्वःतल
नाष्टिक जुयो पुजा यायेगु, चलन वांछवल ॥५॥
ज्यमितयता शोषण याइगु, न्हियान्हिं थुइकल,
लाय्थुया विरोध यायां, तितिं न्हजुल ॥६॥
धर्मया नामं शोषण याइगु, सत्य खाँ नं लुइकल
लाय्थुवं याइगु जालभ्नेल, पत्रिकाय् पिकल ॥७॥
ज्यामि वर्ग थुइकेता, लाय्थुवया जात प्वल,
थी थी पत्रिकाय् लेख च्वयो न्हयःलं चायेकल ॥८॥
सेनाया तालिम कायेता स्वयम सेबक जुल,
बर्लिन विश्व विद्यालय पाखं, यक्व ज्ञान काल ॥९॥
अनुशासन सिइकेता, सैनिक सेवाय् ब्वक जुल,
सेनाय् च्वड थी थी ज्ञान, काये सयेकल ॥१०॥
बौया खाँ न्यन, बेलायते च्वँ वान,
बेलायतया मेनचेष्टरे कारखानाय् ज्या सान ॥११॥
बेलायतया कोलोन शहरे कार्ल मार्क्स नापालात
मार्क्स नापां एंगेल्स च्वड, थःथः खाँ ल्हात ॥१२॥
नेम्हासियां छगू हे बिचः जुल, स्वापू अमि क्वातुल
विदेशय् च्वड पासा दयो, अतिकं लय्ताल ॥१३॥
उद्योग धन्दाया विकाश जूगु बेलायते सिइकल
ज्या स्वयो ज्याला मब्यूगु खाँ नं आना थुइकल ॥१४॥
हिंच्यागु घौ तक ज्या याकिगु मचातयता दुःख बिइगु,
ज्या साने मफसा द्यांलाक तयो कोर्दा दायिगु ॥१५॥
ज्यामितयता ज्याला म्हो बिल, कता कायो मुंकल
मुंकतगु ज्यालां आना, दरबार दयेकल ॥१६॥
ज्यामित च्वनिगु छँचा, फाँचा कुनिगु खोरचा
खोरचा दुने हाड्चवन ज्यामिया जीवनचा ॥१७॥
तः तधांगु कारखानां बेलायत च्वे च्वे वाना,
ज्यामि तयगु संघर्ष नं., भन भन थाहाँ वाना ॥१८॥

बेलायती जीवन थुइकल एंगेल्स भाजुं ज्ञान काल
न्हापा स्वयो चेतना थःगु भाजुं थाकाल ॥१९॥
कारखानाया लाय्थुव, अन्यायीया ग्वारा
एंगेल्स भाजुं लेख च्वयो, जनतां थुइकला ॥२०॥
पुजीवादी व्यवस्था गथे खः बेलायते थुइकला
ज्यामि तयगु आन्दोलन अध्ययन, यो जुला ॥२१॥
माग-पत्रया आन्दोलन, ज्यामि तयसं याड हल
आन्दोलनया मजदुर नेता, पासा याड जुल ॥२२॥
भूमिसुधार लागू जुल, चिचाचिचा क्वःगु बूँ मन्त
म्हातिं म्हातिं याड च्वंगु, छधिक याड बिल ॥२३॥
न्हगु काथं ज्या जुल, बूँ नं. दक्व न्हगु जुल
ल्हातं याइगु बूँज्या दक्वं, मिसिनं याड हल ॥२४॥
कारखानाया विकाश जुल, मिसिनं जक ज्या काल
तुतिं खिड ल्हातं नैपुँ, ज्यामित आसां द्यात ॥२५॥
बेलायत भन भन थाहाँ वल, ज्यामित भन भन क्वहँ वल
तःतः धिकपुँ डाचा तयसं, चिचाधिपुं नयो हल ॥२६॥
दांगु सामान दयेकल, विदेशी धिबा दुकाल
संसारया दकले धनी बेलायत जुयो बिल ॥२७॥
ज्यामिया अवस्था थुइकेता एंगेल्स भाजु स्व जुल
पक्वचा पतिं थःगु पःला तीजक न्हयाकल ॥२८॥
ज्यामिया अवस्था खानेवं नुगः थःगु मछिकल
मुक्तिया निंतिं ऐश आराम सकतां त्वःतल ॥२९॥
एंगेल्स बुसेल्स वान, बुसेल्स पेरिस वान
पेरिसय् च्वड पासा डाल, संगठन निस्वान ॥३०॥
कम्युनिष्ट लिगया नां बिल, जनताया मुंज्या यो जुल
मार्क्स एंगेल्स मिलेजुयो साफू पिकाल ॥३१॥
कम्युनिष्ट घोषणा पत्र साफूया नां बिल
संसारया मजदुर फुक, छपा जु धाल ॥३२॥
ला व लुसिया स्वापू थें तुं, मार्क्स व एंगेल्सया जुल,
मार्क्सयाता ग्वाहालि याइम्हा, एंगेल्स हे जुल ॥३३॥
मार्क्स भाजुं साफू च्वल, उकिया नां पुँजी तल
पुँजी साफू सिमधतलय्, धिवां ग्वाहालि यात ॥३४॥
मार्क्स भाजुया दुःख जुल, नयेता पुनेता छुं मन्त
एंगेल्स भाजुं दुःख थुइक, ग्वाहालि यो जुल ॥३५॥
मार्क्स वांसा एंगेल्स थाय्, एंगेल्स वांसा मार्क्सथाय्
दुःख सुख प्वंकेगु जुल, वहे छगु हे थाय् ॥३६॥

कथहं...

स्वप नगरपालिकाया ज्या भवः त

बहुउद्देशीय भवन निस्वान

२०७६ असोज १२

स्वप भनपा वडा नं १० य् च्वंगु ऊँ कारेश्वर प्रगतिसेवा समितिया न्हयलुवाय् दानेतांगु लगत इष्टिमेट रु.१ करोड ५० लाखया बहुउद्देशीय भवन स्वप नगरपालिकाया प्रमुख सुनिल प्रजापतिजुं निस्वाड दिसें सामाजिक ज्याखय् छ्यलिगु भवन लिपाथ्यंकया बिचःयाडमौलिक शैलीं दय्क तकल धःसा सम्पदा काथं म्वाड च्वनिगु खाँ कड दिल । वयकलं भीगु थाय्या विकासे स्थानीय जनतां ग्वाहालीं याड च्वंगुलि नपां पारदर्शिता याड च्वंगु खाँयाता कघाडवाने मःगु अले भाषा, कला व संस्कृति मन्त धःसा भीगु म्हासिका हे तानिगु खाँ वाचाय्क पुलांगु इतिहास ल्यंक तय्गु ठंगं ज्या हज्याकेमः धायो दिल । वयकलं थुगु ज्या भीसं विदेशी धेबा मकसिं थःगु हे धेबां दय्कागु खाँ नं ब्याक दिल ।

उगु ज्या इवः सं भनपा १० या वडाध्यक्ष लक्ष्मी प्रसाद ह्योमिखा जुं सामाजिक प्रयोजनया लागिं दय्किगु उगु भवनयानितिं वडापाखं मःकाथंया सकारात्मक ग्वाहालीं दैगु खाँ कड दिसे भवने साफुकुथिनं दैगु लिं भन हे बांलागु खाँ खः धायोदिल ।

ज्या इवः या सभानायो नपां भवन निर्माण समितिया नायो भरत बहादुर खड्काजुं स्थानीय बासीपिनिगु आर्थिक ग्वाहाली,

विभिन्न संघसंस्थापाखं ब्यूगु चन्दा दानया धेबाया ग्वाहालीं भवन दानेताडागु खाँ कड दिल । स्थानीय सरकारे आर्थिक सहयोग



पवसें वयकलं हिसाब पारदर्शी जुडुगुलि वचन वियो दिल ।

ज्या इवःसं ॐ कारेश्वर प्रगति सेवाया नायो गीताप्रसाद नेपाल, न्वकु मदन बहादुर थापा, दांभारी विष्णु प्रसाद तिमिल्लिसना, सचिव नवराज भण्डारी पिसं नं थःगु नुगः खाँ प्वंक द्यूगु खः ।

लौकिवा (ऋषेश्वर) महाद्योया देगः उलेज्या

२०७६ असोज १२

मुपाहाँ, स्वप नपाया प्रमुख सुनिल प्रजापतिजुं भनपा ८ य् च्वंगु लौकिवा (ऋषेश्वर) महाद्योया देगः उलेज्या यासे उपभोक्ता



समिति पाखं सांगु ज्या म्हवचा धेबां बांलाक व बल्लाक दय्किगु जक मखुसें स्थानीय जनतातय्ता नं ज्या दैगुलि स्वप नगरपालिकां थजगु ज्याखय् पला छिगु खाँ कड दिल । स्वपयाता पर्यटकीय

स्थल दय्केता थाय् थासय् सुचुकुचु याड च्वंगु मौलिक शैलीं ठँ दापिन्ता आर्थिक अनुदान बियो वयो च्वंगु नपां युवा लक्षितयाड थी थी विदेशी भाय्या तालिम बियो वयो च्वंगु खाँ ब्याक दिल ।

वडाध्यक्ष महेन्द्र खायमली (८) नगरपालिकाया आर्थिक ग्वाहाली व उपभोक्ता समिति मार्फतं दय्कगु खाँ थुइके मः धायो दिसें ब्याक जनतातय्सं राजनीतिक रुपं खाँ थुइक हज्यायमःजक धायो दिल ।

उगु ज्या इवःसं भनपा ८ महिला सदस्य पञ्चलक्ष्मी दुवालं सुभाय देछायो दिलसा देगः निर्माण समितिया नायो विवेक कुस्मां २०७६ बैशाख १३ गते सुरु याड मथां हे बांलाक व बल्लाक दय्के धुंकगु खाँ नपां अः न्ह्याब्ले सुचुकुचु याय् मःगु खाँ कड दिल । उपभोक्ता समितिया कोषाध्यक्ष जुं देगः दानेता मुक्कं १३ लाख १ हजार धेबा तुगु खाँ कड दिल सा वडासदस्य कृष्ण गोपाल छुस्याबागः व समितिया छयाञ्जे मैयाँ छुस्याबागः पिसं नं थःगु खाँ तयो द्यूगु खः ।

‘घोषणापत्र काथं ज्यासाडागुया फलं भनपा या जक मखु पार्टीया छवि देशां देछी सिनं च्वछाल’

२०७६ असोज १४

नेमकिपाया केन्द्रीय दुजःनपां ख्वप नपाया प्रमुख सुनिल प्रजापतिजुं भनपा वडा नं. ९ वडा कार्यालयं ग्वसःग्वगु शुभकामना आदान प्रदान ज्या इवःसं नेमकिपा पुँजीवादी सरकारे प्रतिपक्षया भूमिका निर्वाह याय्गु बैधानिक ब्यवस्था सातौं माहाधिवेशनं पारित यागु खाँ कड दिल ।

वयकलं नेमकिपाया घोषणा-पत्र काथं समाज व जनताया सेवा याय्गुलि जनप्रतिनिधिपुं ग्वल्लेहे लिपा मलागुलिं सरकारे च्वंपुं जनविरोधी मनूतयसं नुगः मुयो भीता अःपुक ज्या सांके मब्यगु जक मखु अनेक षडयन्त्र याड दुख बियो मुद्दा याड च्वंगु नपां संघीय गणतान्त्रिक ब्यवस्था धःगु भीगु देशे स्थानीय तहता बल्लाकेगु मस्वसें केन्द्रहे हस्तक्षेप याड ब्यक्तिवादी व निजीकरणे हःने वाड च्वंगु खाँ कड दिल । वयकलं

सरकार व माओवादीत थजगु ज्याखय भन-भन क्वम्हयो वाड च्वंगु धायोदिसें नेमकिपा न्हाथेसा तःहांकेगु धाय्गु स्वयो सिद्धान्त व विचार कयच्याड वानिगु पार्टी जगुलिं ख्वप नपां शिक्षा, स्वास्थ्य व सम्पदा ल्हवनेगुलि थःगु तुतिखय च्यो उल्लेखनीय ज्या याड च्वंगु खाँ ब्याक दिल ।

ने मकिपाया केन्द्रीय दुजः नपां वडा नं ९ या वडाध्यक्ष रबिन्द्र ज्याख्वः जुया सभानायोलय जगु उगु ज्या इवःसं समायोजनया कारणं भक्तपुर अस्पताले विशेषज्ञ डाक्टर शुन्य व भक्तपुर क्यान्सर अस्पताले थें आनानं भ्रष्टाचार व अनियमितताया गन्ध वयो च्वंगु

खाँ कड दिसे सल्लाघारीया जग्गा खय् जग्गा मरुसां किसान तयसं अःनं बाली पुले माल च्वंगु खाँ कड दिल ।



उगु ज्या इवःसं भूपु वडाध्यक्ष कृष्ण भक्त लवजु, भनपा वडा सदस्य छोरी मैयाँ सुजखु (प्रजापति) जुपिसं नं थःगु नुगःखाँ प्वंक द्यगु खः ।

नियमित सुचुकुचु ज्या इवः तः मुंज्या जुडगुथासय्

२०७६ असोज १५

ख्वप नगरपालिकाया ग्वसालय जःखः थुगुसी तःमुंज्या जुडगु थासय् जुल ।



न्हाड वयो च्वंगु पाक्षिक सुचुकुचुया ज्याइवः ख्वप नपा २ वडाय् च्वंगु नःपुखुया

उगु ज्या इवःसं नगर प्रमुख सुनिल प्रजापति जुं सुचुकुचु ज्या इवः प्रचारया लागिं मखुसें

भीगु थाय् बाय् भीसं हे सफा याय् धाय्गु भावना ब्वलांकेता जनताया एकताया लागिं व नगरपालिका साभ्ता संस्था जगुलिं साभ्ता जिम्मेवारीया भावनां पाक्षिक रुपं घौछि-नेघौ भीसं जनताया सेवायाय् काथं ज्यासाडागु खः धायो दिसे मोहनीया भिन्तुना नं देछायो दिल ।

उगु ज्या इवःसं उपप्रमुख रजनी जोशीजुं भी सकलें मूड छन्हु -नेहुजक मखु मदिसें सुचुकुचु याय्मःगु बिचः प्वंकदिल । उगु ज्या इवःसं वडाध्यक्ष (२) हरिप्रसाद बासुकला व स्वीगुकगु नेपाल भाषा साहित्य तःमुंज्या ग्वसाखलया नायो भाजु श्याम सुन्दर मातांजु पिसं नं न्वचु तयो द्यगु दः ।

भक्तपुर घरेलु व साना उद्योग संघया आधिकारिक वेभसाइट शुभारम्भ

२०७६ असोज १५

भनपा प्रमुख सुनिल प्रजापतिजुया मूपाहांलय् घरेलु व साना उद्योग संघया ग्वसालय् जूगु मोहनी, स्वन्ति न्हूदें ११४० व छठ पर्वया लसताय् भिन्तुना देछाय्गु ज्या इवःनपां संघया आधिकारिक वेभसाइट नं न्ह्याकल ।

वयकलं ईलं घ्वाड यंकथें थौया युग सूचना प्रविधिया युग जूगुलिं ब्यवसायीपिसं न्हू न्हूगु प्रविधि सय्क थःगु ब्यवसाय च्वन्ह्याक यंके मःधायो दिल । सरकारं नेपाल भ्रमण वर्ष २०२० घोषणा जक याडां मगा, वहे काथंया तयारी नं याय्मःगु विदेशी तय्के लाहाफयो मखु स्वदेशी पूंजी खं हे भीथाय् च्वंपिन्ता रोजगारी दै काथं खप नगरपालिकां स्थानीय उत्पादनत हाकपुरासी, जुजु धौ, तक्का तपुली व ताइचिन बजिता प्राथमिकता बियो वयो च्वडागु खौ कडदिसैं सकसिनं खपया मौलिकता पिब्वइगु उत्पादने बः वियमःगु खौ कड दिल । प्रमुख प्रजापतिजुं खप नपां शिक्षा व स्वास्थ्यता प्राथमिकता बियो वयो च्वंगु जानकारी बिसैं शिशु स्याहार निसैं कलेजत चायक वयो च्वंगु व जनस्वास्थ्य नपां छैं छैं

नर्सिङग सेवा न्ह्याक वयो च्वंगु अले खप अस्पताल दयक च्वंगु खौ ब्याक दिल ।

ज्या इवःसं संघया नायो विरेन्द्र जति, ग्रील व स्टील



ब्यवसायी महासंघ नेपालया नायो मोहन कटुवाल, संघया महिला उद्यमी समितिया न्वकुमयजु रिता प्रजापति, महिला उद्यमी समितिया कजि मयजु ईश्वरी श्रेष्ठ पिसं नं नुवाड द्यगु खः ।

शुभकामना आदान-प्रदान ज्याइवः

२०७६ असोज १५

खप इञ्जिनियरिङ्ग कलेज व खप कलेज अफ इञ्जिनियरिङ्गया मंकः ग्वसालय् बुद्धबार धुलिखेले जुगु शुभकामना



आदान-प्रदान ज्याइवःया मूपाहां नेमकिपाया केन्द्रीय नायो नारायणमान बिजुक्छैं जुं नेमकिपाया न्ह्यकगु पार्टी महाधिवेशने ग्वाहाली याड द्यपुं सकसिता सुभाय् देछासे प्राध्यापकपिसं देश व

जनतायाता भिंजुइगु विषय अध्ययन अनुसन्धान याड शोषित वर्गयाता वर्गीय चेतना बियो जनताया बलं हे जनताया प्रजातन्त्र जुजुं समाजवाद व साम्यवादतक थेंकेगु लक्ष्य महाधिवेशने पारित जूगु खौ न्हिथाड दिल ।

वयकलं अःयाय्गु पूंजीवादी ब्यवस्था शोषणे आधारित ब्यवस्था जुइगुलिं ज्या साड नैपुं कामदार जनताया भिं मजुइगुलिं साम्यवादी ब्यवस्था ह्यमःगु उगु ब्यवस्थाय् वर्गविहिन, शोषण रहित व राज्यविहिन जुइ, मजदुर व किसानया दश्वी व गां व सहरया भेद दैमखु हरेक नागरिक पिसं योग्यता अनुसारया ज्या व आवश्यकता अनुसारया पारिश्रमिक बिइ । वयकलं साम्यवादी समाज म्हागसजक मखु धात्थें खय्क कार्यान्वयन याय्ता नेमकिपा प्रतिवद्ध जूगु खौ कड दिसे जनताया समस्या समाधानया उपाय समाजवाद व साम्यवादी ब्यवस्थाया विशेषता व नेपाली समाज्य थुकिया आवश्यकता जनताया दश्वी थेंकेता प्राज्ञिक छलफल याय्मःगुलि बवियो दिल ।

पार्टीया केन्द्रीय दुज नपां खप नगरपालिकाया प्रमुख



नीस्वंगुगु स्वप पौ

सुनिल प्रजापति जुं ख्वप नगरपालिकां न्ह्याक च्वंगु कलेजे बांलाक ब्वंक योग्य शैक्षिक जनशक्ति ब्वलांकेता चां न्हि दुःख सियो च्वंगुं प्राध्यापक कर्मचारीपिन्ता सुभाय देछासे शासक दलया गैर राजनैतिक दृष्टिकोणं नपां अपराधिक क्रियाकलाप भक्तपुर अस्पताल व क्यान्सर अस्पताले भ्रष्टाचार व बेथिति जुयो च्वंगु खॉ कड दिल । वयकलं नेमकिपां शिक्षापाखं न्हूगु पुस्ताता देश व जनताप्रति उत्तरदायी याय्ता हज्याड च्वंगु इलय् शासक दल तय्सं ख्वप विश्व विद्यालय स्वीकृति वियता आलताल याड च्वंगु खॉ कड दिल ।

नेमकिपाया केन्द्रीय दुज नपां प्रदेश नं ३ या सांसद सुरेन्द्र राज गोसाईंजुं भारतीय विस्तारवाद व एकाधिकार पुँजी हस्तक्षेप याड

च्वंगुलि वैद्विक वर्ग नपां जनता तय्सं थुकिया विरुद्धे सःथ्वयकेमःगु खॉ कड दिल ।

नेमकिपाया मेम्हा केन्द्रीय दुजः नपां प्रदेश नं ३ या सांसद सिर्जना सैजुं निस्वार्थ रुपं जनताया सेवा याय्गु राजनीतिया छगू हे जक उद्देश्य खः धायोदिल उगु ज्या इवःसं उपप्रमुख रजनी जोशी, कलेज सञ्चालक नपां भनपा ९ या वडाध्यक्ष रविन्द्र ज्याख्वः, ख्वप कलेजया प्राचार्य रुपक जोशी, ख्वप इञ्जिनियरिड कलेजया प्राचार्य सुजन माक व ख्वप कलेज अफ इञ्जिनियरिड कलेजया प्राचार्य सुनिल दुवाल जुपिसं नं शुभकामना मन्तव्य तयो द्यगु खः ।

कःसि खेती तालिमया दसि-पौ लःल्हाय्गु ज्या

२०७६ असोज १६

ख्वप नगरपालिका प्रमुख सुनिल प्रजापतिया मू पाहाँलय ७ नं वडाय् जूगु कःसि खेतिया तालिमया दसि-पौ लःल्हाय्गु नपां शुभकामना आदान-प्रदान ज्याइवःसं प्रमुख प्रजापतिजुं न्वचु तयोदिसे



मोहनीबले रचनात्मक ज्या याड ई छ्यल दिसँ धायो दिल । कर्मचारी समायोजनं विशेषज्ञ डाक्टरया अभाव जुगुलिं विरामी तय्ता समस्या जूगु व ख्वप नपाया न्हयलुवाय् हे क्यान्सर अस्पताल सञ्चालन जुड्गु खॉ कड दिल । वयकलं ख्वपया फुक्क वडाय्

कःसि खेतिया तालिम बियो थःता मःगु तरकारी थुकिहे उत्पादन याय् फँगु खॉ कड दिल । वयकलं कःसि खेती म्हेव थासं अःप उत्पादन याय् फँगु बैकल्पिक उपाय खः धायोदिसँ कृषि विज्ञपिनिगु सल्लाह काथं की स्याय्गु वास तःसा जोखिम म्हेव जुड्गु खॉ तयो नेपाल सरकारं वियो च्वंगु अनुदान वास्तविक किसान तय्सं काय्मखांगु खॉ नं कड दिल ।

वडा नं. ७ या वडाध्यक्ष उकेश कवां जुं कौसी खेती ताजा तरकारी नय् दैगुलिं थमनं सय्कागु ज्या त्वालया जलाखालापिन्ता नं स्यडदिसं जक अनुरोध याड दिल ।

वडा नं. ३ या वडाध्यक्ष नपां कृषिसमितिया संयोजक राजकृष्ण गोर्राजुं कृषि पेशा सम्मानित पेशा खः धायो दिल । तालिमया प्रशिक्षक नपां कृषि विज्ञ सविन ख्याजुं विषादीं मनूया स्वास्थ्यखय् अपलं नोक्सान याड्गुलिं होस याय्मःगु खॉ कड दिल ।

नपां नेमकिपा वडा नं.७ गोल्मढी एकाइ समितिया नायो बलराम गोसाईं, ७ वडा पार्टी इन्चार्ज कृष्ण गोबिन्द खाइजु, वडा सदस्य हेरा ख्याजु, रञ्जना त्वाती व कृषि समितिया सचिव हरिकृष्ण सुकुपायो पिसं न्वचु तयो द्यगु उगु ज्या इवः सं प्रमुख अतिथि प्रजापति जुं प्रशिक्षक व ३१ म्हा सहभागीपिन्ता दसिपौ लःल्हाड द्यगु खः ।

अनुगमनया ज्या भूवः

२०७६ असोज १६

मोहनीया इलय् ख्वपया थी थी थासय् नेन्हु यंक जूगु में व खाया लापसले अनुगमन याय्गु इवःले फ्रिजे अपलं बासीगु, ध्वगिगु लातयो तःगु, वांछवके बियो सफा याय्मःगु ला जालिखं तपुयो तय्मःगु तुड्गु एप्रोन, हेयरनेट, माक्स, पञ्जा अनिवार्य छयलेमःगु निर्देशन बियागु खॉ वडा निरिक्षक रामकृष्ण प्रजापतिजुं कड द्यगु खः ।

ख्वप नगरपालिकाया अनुगमन समितिया कजि राजकृष्ण गोर्राया न्हयलुवाय् दुजःपुं रोशन मैया सुवाल, छयाञ्जे दिलिपकुमार सुवाल, भ.न.पा. स्यानिटेशन उपशाखा व.नि.रामकृष्ण प्रजापति, पशुसेवा शाखा भक्तपुरया रुपेश आलेमगर, राष्ट्रिय वाणिज्य संघया संजय जोन्छे, म.न.प्र. परिसरया राजबहादुर डगौरा, भनपा कर उपशाखाया न्हज किजुपुं नं अनुगमने भःगु खः ।

नेमकिपाया ढहय्कगु महाधिवेशनया सन्देश ज्याभवः

२०७६ असोज १६

‘कथित शासक नेकपाया नेतातय्ता सी विचार धाराय प्रशिक्षण भालुता पुराण न्यंकेथें जक खः सी विचारधाराकाथं चिनियाँ कम्युनिष्ट पार्टी चीने भ्रष्टाचार विरोधी अभियान न्ह्याक च्वंगु दः । नेता पहःपिकायो च्वापुक जुयो जूपु अपलं भ्रष्टाचारपिन्ता



चीनया इयालखानाय् स्वथाड तःगु दः ।’ नेमकिपाया नायो नारायणमान बिजुकुछें (रोहित) जुं नेमकिपा लिबाली एकाइ समितिया रवसालय् जूगु महाधिवेशनया सन्देश ज्याइवःसं उगु बिचः प्वंक द्यगुया सार खः ।

वयकलं नेपःया शासक दलया नेतात हे अरबौया भ्रष्टाचारेलाड च्वंपिसं सी विचारधाराया प्रशिक्षण न्ह्याकगु नाखय् बुट्टा किय थें जक जुइगु खाँ कड दिसें थमनं तःदा हौं निसें. एमाले-माओवादी कम्युनिष्ट मखु जक धायो वयो च्वडागु नपां चुनावं समाजवाद वै मखु धाय्गु खाँ अःपुष्टि जुल दक धायो दिल ।

वयकलं भीगु देश विकास मजुगुया अपलं दोष कांग्रेसता बिसें भ्रष्टाचारया थिति देछुड तकपुं कांग्रेस हे खः, अःया नेकपा

(एमाले-माओवादी)पिसं वहे लाँपु जक ज्वंगु खः धायो दिल ।

पार्टी महाधिवेशन याय्मःगु खाँ कुल दिसे वयकलं महाधिवेशनं जनताया प्रजातन्त्र जुजुं समाजवादतक वानेगु लाँपु दय्केगु, पुँजीवादी सरकारे मवानेगु नीति पास जूगु खाँ कड दिल । वयकलं जनताया प्रजातन्त्रे ज्या साड नैपुं ज्यापु ज्यामिया न्ह्यलुवाय् राष्ट्रिय पुँजीपतिवर्गता नं दुथ्याक सरकार न्ह्याकि, उब्ले अःयाय् थें तःत हाँपु ब्यापारी तय्ता कर मिनाहा व चिच्या-चिच्या हाँपु गरीब मनूतय्ता अपलं करया भारी कुविड केगु मस्वसें प्रगतिशील कर लागु याई । जनताया प्रजातन्त्रे वानेगु छपु स्वःन्ह्या चर्चायासे वयकलं समाजवाद जुजुं साम्यवाद तक थ्यंकेगु लाँपु यक्व ताः हाकगु खाँ कड दिल ।

ज्याइवःसं पार्टीया केन्द्रीय दुजः नपां ख्वप नपाया प्रमुख सुनिल प्रजापतिजुं भक्तपुर क्यान्सर अस्पताले न्ह्याकगु भ्रष्टाचार विरोधी ज्याखं छटपटे जूम्हा स्थानीय शासक दलया नेता, कार्यकर्तातय्सं संघ व प्रदेश सरकारके ग्वाहाली प्वंगु अमिगु दाहा खः धासें सल्लाघारीया १०८ पि जग्गा संरक्षणं अमि भन हे कप स्यागु दः धायो दिल । वयकलं ख्वप नपाया ज्या इवः त स्वतय्ता मे मेगु नगरपालिकाया जनप्रतिनिधिपुं भायो न्यने काने याड च्वंगुलिं बांला धाय्गु सिय्द धायोदिल ।

पार्टीया केन्द्रीय दुज नपां प्रदेश नं ३ या सांसद सुरेन्द्र राज गोसाईं जु प्रदेश सभाय् सत्तापक्ष व प्रतिपक्षया सांसदपुं अराजक, अनुशासन हीन व पद व धेबाया नितिं जक ज्या सानिपुं सैद्धान्तिक छलफलेयां नेमकिपा जक दः धायो दिल ।

मेम्हा केन्द्रीय दुजः सरोज राज गोसाईं जु पुँजीवादी ब्यवस्थां ज्यासाड नैपुं वर्गया भिं याइ मखु धाय्गु खाँ जनताता थुइकेमःगु थौं या चुनौती खः धायो दिल । उगु ज्याइवःसं केन्द्रीय दुजः रविन्द्र ज्याख्वः, नारायणबहादुर दुवाल, ज्ञानसागर प्रजापति, कृष्णप्रसाद धन्छा, विकास प्रजापति व बलराम प्रजापतिजु पिसं नं न्वचु तयो द्यगु खः ।

ख्वप नपां न्ह्याकगु शिशु स्याहार केन्द्रे भिन्तुना ज्याइवः

२०७६ असोज १६

ख्वप नपाया प्रमुख सुनिल प्रजापतिया मू पाहाँलय् ख्वप नपापाखं न्ह्याक च्वंगु खुगुंतुं शिशुस्याहार व बाल विकास केन्द्रया रवसालय अभिभावकत मुंक मोहनीया भिन्तुना देछाय्गु ज्याइवःजुल । उगु ज्या इवःसं प्रमुख प्रजापतिजुं मोहनी सिर्जनात्मक

ढंगं डाय्के मःगु, थःपुं मचात बांलाक व्वलांके फःसा समाज बांलाइगु, समाजवादी देशे जूसा तःमि चिमीयाता मपाकसिं निःशुल्क शिक्षा बिइगु भीगु नगरपालिकां शिशु स्याहार लबःया निमित्तं मखुसें सेवा भावं न्ह्याक च्वंगु अले महिला श्रमशक्ति अपलं छ्यले दैगु मतिं चाय्कागु, उगु केन्द्रे बांलापुं शिक्षकपुं तयो ⇌ ⇌

नखाचखा भौतिकवादी मिखालं स्वय्मःगु

२०७६ असोज १६

नेमकिपाया नायो नारायणमान बिजुक्छे रोहित जूया मू पाहालय भक्तपुर पर्यटन विकास समितिया ग्वसालय जूगु ख्वपया स्थानीय लाँजुव तय्गु भिन्तुना देछाय्गु ज्याइवःसं मूपाहां बिजुक्छे जुं लाँजुव तय्सं थी थी देशया आर्थिक सामाजिक व राजनैतिक परिस्थिति बारे बांलागु ज्ञान दय्के मःगु नपां थी थी देया भाय् सय्केमःगु अले बांलागु ब्यवहारं पर्यटकत लय्ताइगु नपां लाँजुव तय्गु ब्यवहारं उगु देया अवस्था गथे खः धाय्गु खाँ सिइगु जूगुलिं बानी ब्यवहार बांलाकेमःगु, नपां अमिगु ब्यक्तित्व विकासया लागिं आवश्यक तालिम व पुनर्ताजर्गी तालिम सञ्चालन याय्मः धायो दिल । वयकलं अमेरिका व चीनदश्वीया ब्यापार युद्धं नेपालेनं पर्यटकत वैगुलि बांमलागु लिचवः लाय् फःगु खाँ कड दिसे पर्यटक तय्ता सहज आवागमनया लागिं सरकारं सक्रिय भूमिका स्हितेमःगु खाँ कड दिल । थी थी नखा चखा भौतिकवादी दृष्टिकोणं स्वयमःगु नपां समाजे अपलं तडकभडक याड मखु थःगु अहः स्वयो डाय्के मः धायोदिल ।

अथेहे ख्वप नपाया प्रमुख सुनिल प्रजापति जुं ख्वप दे याता सांस्कृतिक राजधानी काथं विकास याड पर्यटक तय्ता ब्वनेता थी थी ज्याइवःत न्हयाक चवडागु , थःगु हे धेबां सम्पदां ल्हवड चवडागु खाँ पर्यटकतय्ता लाँजुव पिसं काने

☞☞ बांलापु मस्त ब्वलांकेता इलय् ब्यलय् तालिम बियो वयो च्वंगु खाँ कड दिल ।



मःगु, अस्वस्थ प्रतिस्पर्धा मयासिं सहयोगी भावना ब्वलांके मः धायो दिल ।

ख्वप नपा वातावरण व पर्यटन समितिया कजि वडाध्यक्ष रविन्द्र ज्याख्वः (९) जुं लाँ जुव तय्सं धात्थेगु खाँ कानेता इतिहास व साहित्य ब्वनेमः धायो दिल ।

ख्वप पर्यटन विकास समितिया नायो रामसुन्दर भेलेया सभानायोलय् जूगु भनपा पर्यटन सेवा केन्द्रया प्रमुख गौत्तम प्रसाद लासिव, ग्वसाखलया कृष्ण सुन्दर खाइजुं नं न्वचु तयो द्यगु खः ।

अथे हे वडाध्यक्ष रविन्द्र ज्याख्व (९) जुं शिशु स्याहार निसं कलेज थ्यंक चाय्क भीगु देया न्हापांगु नगरपालिका काथं

म्हासिका पिब्वयो वयो च्वंगु नपां थ्व स्थानीय सरकारया जिम्मेवारी व दायित्व नं खः धायो दिल । अथेहे वडाध्यक्ष उकेश कवां (७) जुं शिशु स्याहार केन्द्र चाय्कागु या मू हूनि अभिभावक पिनिगु श्रम सदुपयोग याय्गु खः धायोदिसं थःपुं मचातय्ता बांलागु खाँ स्यनेमः धायोदिल ।

उगु ज्याइवःसं प्रमुख प्रशासकीय अधिकृत दिपक कोइराला शिशु स्याहार केन्द्रया प्रमुख दिपेन्द्र प्रजापति, शिशु स्याहार केन्द्र भार्वाचोया इन्चार्ज नजरमाया बाटीजुं नं न्वचु तयो द्यगु खः ।

अथेहे पर्यटन विकस समितिया ग्वसालय (पथ-प्रदर्शक) लाँजुव त मुड मोहनीया भिन्तुना देछाय्गु ज्या नं जुल ।

श्री गुरुगणेश बचतया साधारण सभा

२०७६ असोज १७



श्री गुरुगणेश बचत संस्थाया १२ औं साधारण सभासं मूपाहां खवप नपाया प्रमुख सुनिल प्रजापति जुं अपलं किसानत दःगु भ्नीगु खवप देशे नगरपालिकां कृषिनपां स्वापु दःगु वापुसा इड ड्यूगु, कृषि प्राविधिक तालिम, कसि खेती व बेमौसमी तरकारी खेतीया तालिम बियो च्वंगु स्वास्थ्यता

ध्यान तयो छँ छँ नसिड सेवा न्ह्याक वयो च्वंगु, च्याम्हासिंगे खवप अस्पताल दयक च्वंगु, अले डांक सन्तुलित विकास याड च्वंगु खाँ कड दिल । वयकलं थःगु तुतिखय् थःहे दानेमःगु, विदेशीया भरे च्वन धःसा भ्नीगु म्हासिका हे तानिगुलिं खवपे सांस्कृतिक सम्पदात नगरपालिकाया थःगु हे बजेटं उपभोक्ता समिति पाखें दय्केगु ज्या जुयो च्वंगु खाँ ब्याकसैं पार्टीया महाधिवेशनता ग्वाहाली याड द्यूपुं सकसितां भिन्तुना देछासैं पार्टीया हरेक ज्याइवःखय् ब्वति कायो दियता नं इनाप याड दिल ।

वडाध्यक्ष (९) रविन्द्र ज्याख्वः जुं बचत संस्थां थःगु गतिविधि व ल्याचा पारदर्शी यायमः धायो दिल । उगु ज्याइवःसं संस्थाया सल्लाहकार कृष्ण भक्त लवजु, संस्थाया नायो श्री प्रसाद प्रजापति, न्वकु कृष्णाराम कासिछ्वा, छयाञ्जे सत्यराम ज्ञामरु व दांभारी तुलिकेशरी प्रजापति पिसं नं नुवागु ज्याइवसं मूपाहाँ प्रजापति जुं असल नियमित बचतकर्ता, असल बालबचत, असल ऋणी व थाकालिपुं जेष्ठ सदस्यपिन्ता सम्मान पौ लःल्हाड दिल ।

भक्तपुर क्यान्सर अस्पताले मोहनीया भिन्तुना ज्याइवः

२०७६ असोज १७

खवप नगरपालिकाया प्रमुख नपां भक्तपुर क्यान्सर अस्पताल ब्यवस्थापन समितिया नायो सुनिल प्रजापतिया मू पाहाँल्य भक्तपुर क्यान्सर अस्पताले मोहनीया भिन्तुना ज्याइवः जुल । उगु ज्याइवः सं प्रमुख प्रजापतिजुं कर्मचारीपिसं न्ह्याथिन्योगु समस्यानं हाचां गायो स्वाभिमानी जुयो ज्यासानेमः धायोदिसैं सत्तासीन दलतयगु पक्षपातीपूर्ण ब्यवहारं भक्तपुर स्वास्थ्य विज्ञान प्रतिष्ठान न्ह्याकंता स्वीकृति मव्यगु खाँ कड दिल । नखाया इलयनं चिकित्सकपिसं विरामीपिनिगु सेवा यायगु भावनां जायक ज्या सानेमःगु, मोहनी नखा अन्धविश्वासया भरे डायकेगु मखुसैं भौतिकवादी मिखालं स्वयो डाय के मःधायोदिल । अथेहे जापान सरकारया ग्वाहाली खय् च्याम्हासिंगे छाती पुनःस्थापना केन्द्रया भवन मौलिक शैली दयक च्वंगु, खवप नपां स्वास्थ्य शिक्षा व सम्पदा निर्माणे मेपुं स्वयो फरक किसिमं ज्या साड च्वंगु खाँ कड दिल ।

ज्याइवःसं अस्पतालया मेडिकल डाइरेक्टर डा. ऋषि केशनारायण श्रेष्ठ जुं मोहनीया भिन्तुना देछासैं अस्पताले मछिंजु



इलयनं खवप नगरपालिका, कर्मचारी, चिकित्सक व स्थानीय जनतां ग्वाहाली यागुलिं सुभाय् देछायो दिल ।

खवप क्यान्सर अस्पतालया पूर्व डाइरेक्टर डा.आरती शाह, कर्मचारी कल्याणकारी समितिया संयोजक शिवराम धुख्वः व अस्पतालया प्रशासन प्रमुख राजाराम तजले व सर्जन डाक्टर उत्सवमान श्रेष्ठजु पिसं नं न्वचु तयो द्यूगु खः ।

ख्वप कलेज व शारदा क्याम्पसे मोहनीया भिन्तुना ज्या इवः

२०७६ असोज १७

ख्वप नगरपालिकापाखं न्ह्याक च्वंगु ख्वप कलेज व शारदा क्याम्पसया ग्वसालय् मोहनी व स्वन्तिनखाया लसतय् जूगु भिन्तुना ज्याइवःसं मू पाहाँ नेमकिपाया नायो नारायणमान बिजुक्छें जुं पार्टी संगठन विस्तारया लागिं सकसिनं आर्थिक, भौतिक व नैतिक सहयोग याय्म धायो दिसें नेमकिपां जनतातय्ता राजनीतिक रूपं शिक्षित यायता मार्क्सवादी साहित्य व विभिन्न अन्तर्राष्ट्रिय कम्युनिष्ट नेतातय्गु जीवनी पिथाड वयो च्वंगु खाँ कड दिल ।

भौतिकवादी व आलोचनात्मक मिखां स्वय् सय्के मः । समाजय् ल्यड च्वंगु अन्धविश्वास न्हांकेगु ज्या शिक्षित समूदायं याय्मः । फुसदया इलय् साहित्य, दर्शन लगायत या विषय ब्वड बौद्धिक विकास जुइगु ज्या सानेमः धायोदिल ।

ख्वप नगरपालिकाया प्रमुख नपां कलेज सञ्चालक समितिया नायो सुनिल प्रजापतिजुं भिन्तुना देछासे असोज २३-२४ गते जुइगु राष्ट्रिय स्तरया तःमुंज्या खय् भ्कायोगवाहाली याड दिसें ख्वप नपां म्हवः धेवां गुणस्तरीय शिक्षा वियगु मतिं कलेजत

न्ह्याक वयो च्वंगु खाँ कड दिसें भीगु कलेजं दसि-पौ जक इयगु मखुसे बांलागु स्वयो न अतिबांलागु शिक्षा वियगु उद्देश्य तयो मेहनत याय्मः धायो दिल ।

वयकलं राज्यया फुक्कथासय् भ्रष्टाचारं त्वपुय धुंकगु खाँ कड दिसे जनप्रतिनिधिपुंहे भ्रष्टाचारी काथं नां प्याहाँ



वयकलं क्रान्तिकारी प्रचार सामग्री सितिवांगु भवं जक मखुसे क्रान्तिया पुसा खः । गुकिं ई त्ययवं वेथिति व निरंकुशताया विरुद्ध बम-बारुद जुयो क्रान्तिया लबु थानेता ग्वाहाली याड धायोदिल । वयकलं समाजय् हयूपा हयूयालागिं क्रान्तिया योद्धा जुयो हज्याइपुं बांलापु मनूया आजुइ पांगः थानेगु ज्या प्रतिक्रियावादीतय्सं सास दतले कुतःयाड च्वनिगु खाँ क्रान्तिकारीतय्सं थुइक थःगु आजुइ वगु पंगःलं विचलित मजुसें हज्याड वानेमः धायो दिल । नपां 'हयोंगु भण्डा क्वथलेता हयोंगु भण्डा ल्हानिपुं' सत्ताय् वापुं पार्टी तय्सं याड च्वंगु खाँ कड दिसे नेमकिपाया कार्यकर्तातय्ता चाकु क्यड भुजिं लाय्गु ज्या याड, मखुगु लाँय् यंकेगु ज्या नेकपां याड च्वंगु खाँ नं ब्याक दिल । वयकलं मांया नामं नगरिकता ब्यगुलिंहे तराई (मसें) या जनसंख्या २७ प्रतिशतं छकलं ५२ प्रतिशत थयंगु खः, गुगु ज्या भारतीय विस्तारवादया योजना काथं हे जूगु खः धायोदिल ।

समाजयाता गखेपाखे यंकेगु धाय्गु ज्या शिक्षकतय्गु लाहातय् लाइगुलिं वयकपिसं न्हूगु पुस्ताता देश व जनताया निःस्वार्थ सेवा याय्मः धाय्गु शिक्षा बियमः । अले नखा-चखाता

वगुलिं थ्व संघीयताया हे ब्यड्गय खः धायोदिसे सरकार भ्रष्टाचार, ठेक्कादार व माफियातय् हःने लाचार जूगु खाँ कड दिल । वयकलं भक्तपुर क्यान्सर अस्पताले भ्रष्टाचार जुयो च्वंगु नपां ख्वप नपा नपांया सम्भौता माने मयासिं थःयत्थे यागुलिं ख्वप नगरपालिकां क्यान्सर अस्पताले ब्यवस्थापनया जिम्मा कःगु व नेमकिपांहे देश व जनताया निःस्वार्थ सेवा याय्गु खाँ स्यंगुलिंहे ख्वप नपाया जनप्रतिनिधिपिसं वहे काथं ज्या साड च्वंगु खाँ कड दिसें धेबां मखु जनताया सेवां आत्मसन्तुष्टि जुइगु खाँ कड दिल ।

उगु ज्या इवःसं उपप्रमुख रजनी जोशीजुं स्वस्थ जनतां देश व जनताया सेवा याय् फौगुलिं नपां स्वास्थ्य क्षेत्रे अले संस्कृति व सम्पदा म्वाकतय्गुलिं नपां ज्यासाड च्वंगु खाँ कड दिल

अथेहे प्राध्यापक समाजया नायो नेमकिपाया केन्द्रीय दुज सरोजराज गोसाई जुं राजनीतिक न्ह्यलुवात 'रोल मोडल' जुयमः धायोदिल । ज्या इवःसं कलेजया प्राचार्य रूपक जोशी, उप-प्राचार्य डा. राजेश कुमार श्रेष्ठ, इन्चार्ज कमिनिका न्याइच्याई पिसं नं न्वचु तयो द्यूगु उगु ज्या इवःसं नेमकिपाया न्हय्कगु महाधिवेशनं ल्यपुं दुजः पिन्ता प्राचार्य जोशीं सम्मान यागु खः ।

ख्वप नपा व नेपाल नगरपालिका एशोसिएसन या ग्वसालय भिन्तुना ज्याइवः

२०७६ असोज १७

नेमकिपाया केन्द्रीय नायो नारायणमान विजुकुँ जुया मू पाहाँलय ख्वप नपा व नेपाल नगरपालिका एशोसिएसन, भनपा समितिया मंकः ग्वसालय मोहनी नखाया भिन्तुना ज्याइवः नपां मार्गनिर्देशन ज्याइवः जुल । उगु ज्याइवःसं मूपाहाँ विजुकुँ जुं मोहनीया इलय फोहर मुनेता अपलं थाकुइगुलिं थव छगू चुनौती



काथंकायो विदाबले नं कर्मचारीपिसं सुचुकुचुख्य ध्यान तयमःगु खाँ कड दिसें समाजवादी देशे अतिरिक्त समय, अप्वः ज्या यागुया धेवा स्वयो सम्मान याइगु जानकारी बियो दिल । नखाचखाबले नयगुलि विशेष ध्यान तयमःगु नपां समाज बांलाकेता अभिभावक पिनिगु नं महत्वपूर्ण भूमिका दैगुलिं थमनं भिंगु ज्या याड थः सन्तान पिन्ता नं सदाचार, अनुशासन, बोलिबचन स्यने मःगु अले नगर बांलाकेता नगरपालिका हचिले मःगु खाँ कड दिल ।

ज्याइवःसं ख्वप नपाया प्रमुख सुनिल प्रजापतिजुं सुयांगु चिच्याहांगु गल्लीं जीवनवर्वाड जुइगुलिं सचेत जुयमःगु, नपां मोहनी

बले नय त्वनेगुलि व म्वःमरुगु ज्याख्य जुय मज्यूगु खाँख्य सचेतयाड दिल । नपां मोहनीया बिदा बले फोहर अपः जुइगुलिं सफाइ मजदुरपिसं नगरे सुचुकुचु यायगुलि सक्य जुयो ज्यासानेमःगु अले जनप्रतिनिधिपिसं नीति निर्माण याइगु, कर्मचारीपिसं सफल कार्यान्वयन यासा जक नेम्हासिया आपसी समन्वय जूसाजक ब्यवस्थित व सन्तुलित ज्या जुइगुलिं थुखे पाखे ध्यान तयमःगु, नगरपालिकाया निर्देशन काथं ज्या मयापिन्ता कार्वाही जुइगु खाँ कड दिसे थाना अपः सेवाभावं ज्या सानेमः धायोदिल ।

ज्याइवःसं उपप्रमुख रजनी जोशीजुं कर्मचारीपिसं ब्यवहारिक ज्ञान नपां, सिद्धान्त थुइक जनप्रतिनिधि पिन्ता हरेक क्षेत्रे ग्वाहाली याड भीगु ख्वप देयाता नमूना दे दय्केगुलि साथ बियमः धायोदिल । ज्याइवः सं वडाध्यक्ष रविन्द्र ज्याख्व(९) जुं जनताया सरोकार दःगु भक्तपुर अस्पताले अनियमितताया खाँ प्याहाँ वयो च्वंगुलिं पारदर्शी यायमःधायोदिल ।

ज्याइवःसं सरुवा जुयो भःम्हा प्रमुख प्रशासकीय अधिकृत दिपक कोइराला जुयाता तक्कातपुली पुइक लसकुस यागु खः सा निवर्तमान प्रमुख प्रशासकीय अधिकृत यामलाल अधिकारीजुता विदाइ यागु खः ।

उगु ज्याइवःसं प्रमुख प्रशासकीय अधिकृत दिपक कोइरालाजुं जनप्रतिनिधिपिसं दय्कगु निति पालना यायमःगु खाँ कड द्यूगु खःसा निवर्तमान प्रशासकीय अधिकृत यामलाल अधिकारी जु. थमनं ज्या साडागु इलय्या अनुभव कड दिलसा नेपाल नगरपालिका एसोसियसन, ख्वप नपाया नायो गौतम प्रसाद लासिवा जुं कर्मचारी पिनिगु भूमिका बारे, वडासचिव राजेश दिस्ती नं थःगु नुग खाँ प्वंक दयूगु खः ।

ख्वप नगरपालिकाया सफाइ मजदुरत नपां भिन्तुना ज्या इवः

२०७६ असोज १८

ख्वप नपाया सफाइ मजदुरत नपां मोहनीया भिन्तुना ज्या इवःसं ख्वप नगर प्रमुख सुनिल प्रजापतिजुं सफाइ मजदुर पिनिगु सक्रियतां हे ख्वप नगर सफा यायफःगु खाँ कड दिसे अवाञ्छित ज्या त्वःत इमान्दारी पूर्वक ज्या सानेमःगु खाँ कड दिल ।

अथेहे वडाध्यक्षपुं रविन्द्र ज्याख्व(९) जुं अन्धविश्वास त्वःत वैज्ञानिक विषय ज्वड नखा डाय्केमःगु व तःमुंज्या स्वः भायता इनाप याड दिलसा राजकृष्ण गोरा (३), प्रेमगोपाल कर्माचार्य (५), कार्यपालिका दुजः सुनिता अवाल, भनपा श्यानिटेशन शाखा प्रमुख दिपिल कुमार सुवाल वडा निरिक्षक रमेश तुइतुई पिसं नं भिन्तुना देछायो दिल ।



जर्मनी प्रतिनिधि मण्डल भक्तपुर भ्रमणे

२०७६ असोज १८

ख्वप नगरपालिकाया प्रमुख सुनिल प्रजापतिजुं ख्वपय् भ्रमण भःपुं जर्मनया आर्थिक सहायता व विकास सम्बन्धी संघीय मन्त्रालय एशिया विभाग प्रमुख नोबोर्ट बाश्लेज्या न्हयलुवाय् भःपुं प्रतिनिधिमण्डलता लाय्कुलि लसकुस याड



दिल । वयकलं जर्मनी प्रतिनिधि मण्डलता तक्कातपुली पुइक लसकुस यासे ख्वपया ऐतिहासिक व सांस्कृतिक सम्पदा काथं धस्वाड च्वंगु सम्पदात कला संग्रहालय, लाय्कु लागा, तलेजु, डातापोल्हें व भैल देगः अवलोकन याकदिल । उगु ज्याइवःसं जर्मन सरकारं ख्वपया विकासे यागु ग्वाहालीयाता सुभाय् देछासे नेपःया सरकार व जर्मन सरकारया दशवी स्वापु क्वातुइगु विश्वास प्वंक दिल ।

ख्वप नगरपालिकां सांस्कृतिक पहिचान म्वाक सम्पदा ल्हवनेगु ज्या कुतःयाड च्वंगु, ख्वपदे दुने चाह्यू भ्नाइपुं पर्यटक तय्के शुल्क कायो वहे ध्येबां अजगु ज्या याड च्वंगु खः । अले

शिक्षा, स्वास्थ्य नपां सांस्कृतिक सम्पदात ल्हवनेगुलि प्राथमिकता बियो खर्च याड च्वंगु खाँ कड दिल । वयकलं २०७२ सालया तःभवखाचां स्यंकगु सम्पदा ल्हवनेता जर्मन सरकारं ग्वाहाली याय् दक घोषणा यासां थीथी कारणं उगु सहयोग ख्वप देशं काय् मफुगु खाँ न्यंक दिल ।

उगु नपालायगु ज्या इवःसं प्रमुख नोबोर्ट बाश्लेजुं तःभवखाचा लिपा उब्लेहे ग्वाहाली वियगु क्वछिडागु, नेगू देया स्वापु अभ् क्वातुयो वानिगुलि विश्वास प्वंक दिल । ख्वप नगरपालिकां थानाया ज्वः मरुगु सम्पदात म्वाक ल्हवड च्वंगुलि थःपुं तस्कं लय्तायागु खाँ कड दिल ।

उगु ज्या इवःसं संघीय सचिवालयया निजी सचिव कोनेलिया गोही जर्मनया आर्थिक सहायता व विकास सम्बन्धी संघीय मन्त्रालयया एसियाया दुजःजिसेला हाम्समिट्थ, संघीय मन्त्रालय नेपाल व श्रीलङ्का सम्बन्धी नीति निर्देशन एगोटे फ्रिक, जर्मन सहयोग संस्था (जि टि जेट) या दक्षिण एशियाली क्षेत्रीय निर्देशक कोर्निया कुसेल, जर्मन विकास बैठक (के एफ डब्लु) दक्षिण एशिया विभागीय प्रमुख कारोलिन गान्नेर, नेपालया लागिं जर्मन राजदूत रोल्नन्द सफेर, नेपालय् च्वंगु जर्मन दूतावासया विकास सहायता नियोगया उपप्रमुख क्लाउडिया हेइपे, नेपाले च्वंगु जर्मन दूतावासया अधिकृतपुं लोरेन्स बेनेडिक्स, मि ओगट व प्रमोद भगत पुं उपस्थित जुयो द्यूगु खः ।

उगु नपालायगु ज्या इवः ख्वप नगरपालिका पाखें उपप्रमुख रजनी जोशी वडाध्यक्षपुं रविन्द्र ज्याख्वः, राजकृष्ण गोरा, कार्यापालिका दुजः सुनिता अवाल, प्रशासन प्रमुख दामोदर सुवाल व पर्यटन सेवा केन्द्रया प्रमुख गौतम प्रसाद लासिवा नं उपस्थित जुयो द्यूगु खः ।

‘नेपःव चीन भिं पुं जलाखाला’

२०७६ असोज २१

चिनियाँ समाचार संस्था सिन्ट्वाया प्रतिनिधि मण्डलं मंगलबार ख्वप नगरपालिकाया प्रमुख सुनिल प्रजापतिजु नपां नपालायगु इवःले नेपःव चीन भिंपुं जलाखाला काथं हज्याड वयो च्वंगु व नेपःन्हयाब्ले ‘एकचीन नीति’ या पक्ष दःगु खाँ कड दिल । वयकलं चीनया छगू दे नेगू शासन ब्यवस्थाया नीति नपां सतिक स्वयो अध्ययन याड च्वडागु, चिनियाँ राष्ट्रपति सि चिन फिड जुं न्ह्यव्वगु ‘छगूक्षेत्र छगू लाँपु’ (एक क्षेत्र एकमार्ग) चीनयाता जक मखु संसार ताहे न्हगु लाँपु क्यंगु खाँ कड दिसें छुं दिन लिपा हे चिनियाँ राष्ट्रपति नेपाले चाह्यू भ्नाइगु खाँ न्यड नेपःमिपुं लय्तायो च्वंगु नपां उगु भ्रमणं नेगू देया स्वापु भन क्वातुइगु

विश्वास प्वंक दिल ।

वयकलं २०७२ या तः भवखाचां स्यंकगु ख्वपया ११५ सम्पदात मध्ये ८७६ गू सम्पदात ल्हवने धुंगु ८ ट्ट खा छँ दूगु खाँ नं कड दिल । वयकलं सम्पदा ल्हवनेता सर्तमरुगु वैदेशिक ग्वाहालीजक कायगु धायो दिल । उगु इवःले यँया अवलोकने चीनया ग्वाहाली खय् दय्क च्वंगु वसन्तपुर दरवारया चर्चायासे नेपाली प्राविधिकत पाखें चिनियाँ तयसं अपलं सयकगु नपां नेपःव चीन दशवी कला-संस्कृतिया काल बिल अरनिकोया इलयनिसें हे जुयो वयो च्वंगु व अःनं मदिकक जुयो च्वंगुलि चिनिया पत्रकार पिसं लयता प्वंक दिल । उगु पुत्रःले पाकिस्तान व हडकडे ज्या सानिपुं संवाद दाता पुं नं भ्नायो द्यूगु खः ।

स्वीगुकगु नेपाल भाषा साहित्य तःमुंज्या उलेज्या



२०७६ असोज २३/२४

थुगुसी स्वीगुकगु नेपाल भाषा साहित्य तःमुंज्या व सांस्कृतिक ब्वज्या नेन्हुयंक ख्वपया इटाछैँ नःपुखु त्वाल्य स्थानीय वयोवृद्ध सच्चिदा फूम्हा गोपसिं ब्वयँजू पाखें बाँसुरीया धुन पुइक उलेज्या जुल ।


उगु ज्याइवःसं संस्कृतिविद, संविधान विद, शिक्षाविद, जलस्रोतविद, साहित्यकार, पत्रकार, प्राध्यापक, बुद्धिजीवी, किसान मजदुर विद्यार्थी, ल्यासे-ल्याम्होपुं, शिक्षक, कर्मचारी, उद्योग व्यवसायी व सर्वसाधारण जनतात स्वःभःगु नेन्हुया मुंज्या या मूपाहाँ नेपाल मजदुर किसान पार्टीया नायो नारायणमान विजुक्छैँ रोहित जुं ता :ई निसैँ स्वास्थ्य लागाय् ज्या सडः भःम्हा जनताया डाक्टर अशोकानन्द मिश्र व वरिष्ठ हास्य कलाकार धुब्रत्न हाडा जुपिन्ता दोसल्लां ड्यक हना पौ लःल्हाड दिसे सम्मान याडः दिल । सम्मानित डा. मिश्र अध्ययनशील, तिक्ष्ण बुद्धि व सुसंस्कृत परिवारे ब्वलाम्हा मनूया विशेषता मनु तं चाइ जक मगयासी सत्य खाँ ल्हाइम्हा खः धायोदिल । भारते निर्वाशनया ई लुमांकसैँ

मू पाहां विजुक्छैँजुं न्हयाथिन्योगु मछिंगु इलय् नं इमान्दारीया पक्ष ज्या साडः भःगु धायोदिसैँ गुणया बदला गुणं पुलेगु ज्याखं उत्साह दैगुलिं वयक ता सम्मान यागु खः धायोदिल । ल्वयः मलांतले थाकु मचःसैँ रोगीया सेवा याडः च्वनिम्हा डा.मिश्र जनताया सेवाखय् लय्ताइम्हा मनुख जक मूपाहां रोहित जुं कडः दिल । अथेहे ख्यालिगुलु धुब रत्न हाडाजुं न्हयाब्लेँ जनताया दबुली भायो थःगु अभिनयं न्हय्केफःम्हा प्याखंम्वनं न्हगु पुस्ताता नं थःके दःगु सीप स्यने धायो द्यूगु च्वछाय् बहःजु धायोदिल ।

उगु ज्याइवःसं मुपाहां विजुक्छैँ जुं जनताया पक्ष च्वःगु साहित्य खय् तःलापुं साहित्यकार पिन्ता सिरपा बियोदिसैँ त्वालया प्यम्हा सांस्कृतिक गुरुपुं दाफा म्येँ या गुरु गोपसी ब्वयँजू, खिंगुरु हरिभक्त सुवाल, दाफा भजन व बाँसुरी गुरु काजीलाल ब्वयँजू, खिं गुरु लक्ष्मीभक्त ब्वयँजू पिन्ता नं हानेज्या याडः द्यूगु खः ।

नेन्हुयंक सांस्कृतिक ब्वज्या जूगुया ल्यज्या यासैँ सम्वेबजी ज्या इवःसं सिरपा लःल्हाइगु खाँ तःमुंज्या पाखें धःगु खः ।

स्वीगुकगु नेपाल भाषा साहित्य तःमुंज्या हानेज्या यापुं भाजुपुं



8f-czifgCbld>, Vofnluhw]/Tg xif8f, bfrfu? uifk; aifn, nfnflv #? xl/eOm; jfn, af; /Lu? sfhlnfn aifn, nfnflv #? n dleOmkoft'

सहकारी जनताया चेतना स्तर थाकायगु ब्वनेकुथि

२०७६ असोज २५

नेपाल मजदुर किसान पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं विकास बचत तथा ऋण सहकारी संस्थाया हिंन्यकगु साधारण सभाया उलेज्या यासे सहकारी संस्था धायगु जनताया चेतना स्तर थाकायगु ब्वनेकुथि थें जूगुली भिंगु ज्यायाड न्हूगु पुस्ताता देया आवश्यकता अनुसार ब्वंक विशेषता हासिल याकेमः धायोदिल । वयकलं संस्थाय् च्वड थःगु फाइदा जक स्वइपुं ठग खः धायोदिसें न्हूगु पुस्ताता परम्परागत प्याखं, बाजा स्यड भीगु संस्कृति म्वाक तय्मःगु व कृषिक्षेत्रे अभ् बांलाकेता नगरपालिकां थी थी तालिम बियो च्वंगु खौं कड दिल ।

वडाध्यक्ष ७ या उकेश कवां जुं ल्याचाया पादर्शिता व बचत संस्थाया नीति नियम काथं म्हवजक आम्दानी दःपिन्ता सीपमूलक तालिम बियो आत्मनिर्भर याय्मः धायोदिल । अथेहे नेमकिया पार्टी नगर समिति भक्तपुरया नाथो नारायण बहादुर दुवालजुं सुं छम्हा ब्यक्तिया फाइदा मस्वसें समुदायया हितया ज्या सानेमः धायो दिल ।

अधिकांश मारीचारी (मिठाइ) पसः फोहर

२०७६ असोज २२

ख्वप नगरपालिका अनुगमन समितिया कजि नपां वडा नं ३ या वडाध्यक्ष राजकृष्ण गोराया न्ह्यलुवाय् जगाती निसें च्याम्हासिंगतकया मारीचारी पसल्य् अनुगमन याय्गु इवल्य् अप थासय् फोहर जुयो च्वंगुलिं सफा याय्ता सुभाब ब्युगु दः ।

नपां पोलारी मिटरं चिकं जाँचय् याबले २४ वा वस्वयो अप्व केन धःसा उगु चिकं उपभोग व उपयोग याय्मज्युगु अले ५ किलोग्राम मिठाइ खय् एक ग्रामजक नय्ज्युगु रंग (खाद्य कलर) तय्मःगुलि अपलं मारीचारी पसल्य् छुइगु चिकं पोलारी मिटरं जाँचे याबले रानसिड (एसिड) अप्वःदयो गुणस्तरहीन खाने दःगु, स्वय् याय्पुकेता रंग अप तयो छुयगु यागु, अपलं पसले नयमज्युगु चिकं व रंग दःगु (मिठाइ) मारीचारी मियो तःगु, बासिगु व म्यादफुगु मारीचारीत अपलं जफत याड आनाहे फुक्क नष्ट याडागु खौं वडा निरिक्षक रामकृष्ण प्रजापति जुं जानकारी बियो दय्गु खः ।

रंग अप्व तयो मिठाइ छुइपिन्ता अले अपलं चिकं दाय्क, तःक वहे चिकने मारीचारी छुड रानसिड (एसिड) अप्व दःगु गुणस्तरमरुगु चिकं छयल छुगु मिठाइ मी पिन्ता डादातक जेले



उगु ज्या इवःसं संस्थाया सल्लाहकार पुरुषोत्तम ग्वाछा, विकास बचतया नाथो बुद्धिराम दुवाल, न्वकु सानु बहादुर गोसाईं, छयाञ्जे रोशन तुइतुई व मित्रसंस्थाया पासापिसं न्वचु तयो दय्गु खः । ज्याइवःसं मूपाहां प्रजापति जुं व पाहाँ उकेश कवांजुं जेष्ठ नागरिक व संस्थाया संस्थापक व एस इ ई पास जूपुं विद्यार्थी पिन्ता सम्मानपत्र लःल्हागु खः ।

कुनेगु व(रु५०,०००) इय् द्र तकादां जरिवाना जुइगु खौं खाद्य अनुसन्धान अधिकृत सन्तोष ढकाल जुं धायोदिल ।

अनुगमनया इवःलय् पसः नगरपालिकाय् दर्ता मयागु, नविकरण मयागु पसः व भुथुलि फोहर जुगु, ज्या सानिपिन्ता एप्रोन फिइकेमःगु, थमनं दय्कागु मारीचारी, गुडपाक, मिठाइ खय् प्याकेजिङ्गे लेबल तय्मःगु, भिंगु चिकं व खाद्यवस्तु जक छयले मःगु, ढःतालाँजु नापतौल विभागे नविकरण याय्मःगु सुभाबत बियो दय्गु खः । अपलं अटेरी जुयो च्वंपिनिगु तालाजु जफत याड नगरपालिकाय् हाजिर जू वयता नं निर्देशन यागु खःसा मज्युगु सामानत आनाहे नष्ट यागु खः ।

उगु अनुगमन समितिसं ६ नं. वडाया वडाध्यक्ष हरिराम सुवाल भनपा स्यानिटेशनया न.नि. दिलिपकुमार सुवाल, व.नि. रामकृष्ण प्रजापति, खाद्यप्रविधि व गुण नियन्त्रण विभागया खाद्य अनुसन्धान अधिकृत सन्तोष ढकाल, खाद्य निरिक्षक कौसल भा व नवराज आचार्य भक्तपुर स्वास्थ्य कार्यालयया ल्याब टेक्निकल योगिता खनाल, राष्ट्रिय उपभोक्ता मञ्चया मनोज थापा महानगरीय प्रहरी परिसरया राजबहादुर डगौरा व उद्योग वाणिज्य संघया संजय जोन्छे सहभागी दःगु खः ।

ख्वपया सम्पदा अबलोकने नगर प्रमुख

२०७६ असोज २९

ख्वप नगरपालिका प्रमुख सुनिल प्रजापतिजुं विहिवार लायकुली दय्कचवंगु ताहा फल्चा (तबःमठ), दय्के धुंकगु भैल देगः, ल्हवनेगु क्रमखय् तयो तःगु डातापोल्हँ या अबलोकन याड् दिल । उगु अबलोकने ख्वप नपाया प्रमुख प्रशासकीय अधिकृत दिपक कोइराला, प्रशासन प्रमुख दामोदर सुवाल, गुठी संस्थान भक्तपुरया प्रमुख आनन्द कर्माचार्य, सम्पदा उप शाखा या ई. सूर्यभक्त खर्बुजा पुनं भःगु खः । ख्वप नगर पालिकां तः भवखाचां थुगु सम्पदात परम्परागत शैली हे पुनःनिर्माण याड् चवंगु खः ।



सुज्या सुयगु तालिमया दसि-पौ लःल्हाय्गु ज्या

२०७६ असोज २९

ख्वप नगरपालिकाया ग्वसालय् स्वलाया सुज्या सुयगु आधारभूत तालिमया प्रशिक्षार्थीपिन्ता दसि-पौ लःल्हाय्गु ज्याया मूपाहां सुनिल प्रजापति जुं लाहातय् ज्यादःपुं मिसामस्त थःगु तुतिखय् थःहे दाने फैगु नपां शैक्षिक व आर्थिक रूपान्तरणं मिसात व मिजंत उथें ग्यनि नपां तालिमं सय्कागु ज्ञानं पेशा काथं छ्यले फःसा तालिम कायागु पूवानि धायो दिल ।

अथेहे ख्वप नपाया प्रमुख प्रशासकीय अधिकृत दिपक कोइरालाजुं लाहातय् सीप दः सा रोजगार दैगु जूगुलिं नगरपालिकां ब्यूगु तालिम जीवनोपयोगी खः धायो दिल । उगु ज्या भूवःसं वडाध्यक्ष पुं लक्ष्मीप्रसाद ह्योमिखा (१०), राजकृष्णगोरा (३) का.पा.दुजः रोशन मैयाँ सुवाल, प्रशिक्षक कमला शाक्य व प्रशिक्षार्थी अञ्जु शिल्पकार जुं नं न्वचु तयो द्यगु खः ।

विपद व्यवस्थापन सम्बन्धी प्यन्ह्या अभिमुखीकरण ज्या भूवः

२०७६ असोज २९

ख्वप नगरपालिकाया ग्वसालय अले नेपाली सेना विपद् व्यवस्थापन शिक्षालयया प्राविधिक ग्वाहाली खय् विपद् व्यवस्थापनया प्यन्ह्या अभिमुखीकरण ज्याभूवः ख्वप नपाया प्रमुख सुनिल

प्रजापतिजुं उलेज्या याड् दिसे तालिमं सय्कागु सीप व ज्ञान विपद्या इलय् छ्यल दिय्ता प्रेरित याड् दिल । वयकलं पुँजीवादी ब्यवस्थां समाजया भिं जुइगु स्वयो पुँजीता अपलं महत्व बियो पुँजीपति वर्गया भिंजुइगु जक ज्या याइगुलिं जनतात राजनीतिक रुपं सचेत जुयमःगु खाँ कड् दिल । ख्वप नगरपालिका आर्थिक अनुशासन दुने चवड् उपभोक्ता समिति पाखं जनश्रमदान नपां विकास निर्माणया ज्या जुयो चवंगु अले इतिहास, भूगोल, राजनीति शास्त्र, संस्कृति व नेपाल भाषा ब्वनिपुं विद्यार्थी पिन्ता छात्रवृति बियागु, शैक्षिक ऋण सहूलियत दां डागुलाख तका बियागु, खाँ कड् दिल ।

उगु ज्या भूवःसं विपद व्यवस्थापन तालिम या प्रमुख प्रशिक्षक सेनानी दिपेन्द्र पोखरेलजुं विपद म्हुवः याय्ता तालिम बियागु खाँ कड् दिलसा वडाध्यक्ष १ या श्यामकृष्ण खत्री जुं नपाया ज्या भूवःत कड् दिल ।



लौकिका (ऋषेश्वर) महाद्योया देग: उलेज्या

२०७६ असोज १२ गते



मोहनीया शुभकामना आदान प्रदान ज्या इव:

२०७६ असोज १६ गते



चिनियाँ समाचार संस्था सिन्हवाया प्रतिनिधि मण्डल
नपां ख्वप नपाया प्रमुख सुनिल प्रजापति

(२०७६ मद्दौ २१ गते)



जर्मन प्रतिनिधि मण्डल पिन्ता लसकुस यासे प्रमुख प्रजापति

(२०७६ असोज १८ गते)

